



程明道
程伊川

伊洛淵源

任洛淵源錄新增序



聖賢之道達而推行於民則為善治窮而講明於己則為正學所謂道統之傳不外是也粵自書契肇興斯道有堯而始大著堯以是傳於舜舜以是傳於禹禹以是傳於湯湯以是傳於文武周公周公沒而是一道不行於世天下遂不復知有善治矣孔子以生知大聖而不得位乃與其徒講明是道刪述六經遂集群聖之大成而斯道之統以續故論語於篇終滿載堯舜湯武之事蓋以明聖學之所傳實淵源於堯舜也孔子之道惟顏子曾子得之為最深其後曾子則傳於子思子思復傳於孟子故孟子於七篇之中亦

歷序堯舜湯文孔子相承之次蓋亦以明其所傳實
淵源於孔子也孟子沒而其傳遂泯則千載之下不
復知有正學矣至宋濂溪周子始超然獨詣而發其
精微之奧於圖書當其時則有河南二程夫子實得
其學而益擴以廣故子朱子著伊洛淵源錄一編備
載其師友之所講明傳授與其見於言行政事之間
者所以著明其上承孔孟之統下啓關閩之傳其亦
論孟終篇所序之意與南京戶科給事中豐城楊君
方震蚤知慕尚正學其於是錄留意有年矣因其間
有朱子所欲刪改而未之及者稍加更定復采朱子
文集語錄有論及篇內諸賢事迹者各增入本錄之

後蓋欲使學者一覽而盡得其為人之實法其取可
法而戒其所可戒其用心亦勤矣哉既嘗序其顛末
而登於梓復走書謂仲昭曰願丐一言以發明伊洛
之傳并示學者門戶路徑明白親切庶幾有補也仲
昭雖竊有志於是而未知其指歸方切望泮之嘆其
奚敢言然嘗觀朱子之答呂成公有曰舊讀程子之
書而未得其要比因誦其涵養須用敬進學則在致
知者兩言雖約其實入德之門無踰於此此朱子為
學者抽閑啟鑰要切之言吾黨之士能從事於此而
有得焉則為聖為賢皆由於此達則行之以善其治
窮則守之以善其身庶其不負朱子編錄之意矣而

楊君所以期望於後學者意其在此故特舉之以復
其請并與吾黨有志之士共勗焉

弘治丙辰閏三月庚申校學甯田黃仲昭序

伊洛淵源錄新增序

晦菴先生所編伊洛淵源錄自孟子以來道學宗以
具見于此庶嘗觀先生答呂東萊書則其為錄去取
凡例悉有深意而究綱大旨初無遺憾焉者但其間
謂呂原明學佛事未必載而卒載之又謂呂晉伯和
叙事不當附而卒附之正以錄成而未及於更定耳
然此豈惟先生之論庶固有起於是矣因謂先生之
為此錄既有未盡之意不若取先生平日之言有及
於伊洛者并以附之庶幾讀者有所折衷而不昧於
從違之間也用是輒採先生文集語錄中議論增入
各條之下而於晉伯和叙事亦別出之舊題蓋西呂

氏兄弟亦潛去之而於寶文宣義正字之上各加呂
字倣程張先生兄弟例既成因序其所以至於本為
入耳出口亦竊欲與吾黨之士勉焉而不敢負大賢
編集之意云豐城楊庶序

伊洛淵源錄新增目錄

卷第一

濂溪先生

元公

虞部

卷第二

明道先生

宗丞
純公

卷第三

明道先生

侍講
正公

卷第四

伊川先生

侍講
正公

卷第五

康節先生

著佐

卷第六

橫渠先生 太常明公

御史張戩

卷第七

侍講呂希哲 萊陽先生

內翰范祖禹

學士楊國寶

給事朱光庭 河南先生

附李郁 刪正 西山先生

卷第八

博士劉純 河南先生

校書李籲 緱山先生

實文呂大忠

宣義呂大鈞
京兆先生

正字呂大臨
藍田先生

卷第九

博古蘇師
武功先生

學士謝良佐
上蔡先生

察院游酢
廣平先生

卷第十

文靖公楊時
龜山先生
侍講

楊迪

卷第十一

起居劉

安節

永嘉先生

侍講尹

焞

和靖先生

卷第十二

學士張

繹

殿院馬

仲

東平先生

學士侯

仲良

著錄王

頌

福清先生

卷第十三

文定公胡

安國

武夷先生侍講

附五峯

引便

藉修正字

卷第十四

端明王

巖叟

承議劉立之

林大節

張閔中

馮理

鮑若雨

周孚先

唐棟

謝天申

潘旻

陳經五

李慶遇

孟厚

范文甫

暢中伯

李朴

暢大隱

郭忠孝

周行己

尚書邢恕

伊洛淵源錄新增目錄

伊洛淵源錄新增卷第一 豐城楊廉錄

濂溪先生元公

丁巳生 追封道國公

宋真宗天禧元年丁巳生

事狀

嘉定庚辰賜諡
淳祐年丑上章各
封汝南伯与程
張朱并祀祀

先生世家道州營道縣濂溪之上姓周氏名惇實字茂

叔後避英宗舊名改惇頤用舅氏龍圖閣學士鄭公向

奏授洪州分寧縣主簿縣有獄久不決先生至一訊立

辨衆口交稱之部使者薦以為南安軍司理叅軍移郴

及桂陽令用薦者改大理寺丞知洪州南昌縣事簽書

合州判官事通判虔州事改永州權簽遣邵州事熙寧

初用趙清獻公吕正獻公薦為廣南東路轉運判官改

提點刑獄公事未幾而病亦會水齧其先墓遂求南康

熙寧神宗
年
趙升
曰公

六年癸丑

名臣孫先生啓
母至軍曰病疾
而耒者為葬亦
今猶多病汚
塵後耶

軍以歸既葬上其印綬分司南京時趙公再尹成都復
奏起先生朝命及門而先生卒矣熙寧六年六月七日
也年五十有七矣江州德化縣清泉杜先生博學力行
聞道甚早遇事剛果有古人風為政精密嚴恕務盡道
理嘗作太極圖易說易通數十篇在南安時年少不為
守所知洛人程公珦攝通守事視其氣貌非常人與語
知其為學知道也因與為友且使其二子往受學焉及
為郎故事當舉代每一遷授輒以先生名聞在郴時郡
守李公初平知其賢與之語而歎曰吾欲讀書何如先
生曰公老無及矣某也請得為公言之於是初平日聽
先生語二年果有得而程公二子即所謂河南二先生

者也南安獄有囚決不當死轉運使王達欲深治之達
苛刻吏無敢相與可否先生獨力爭之不聽則置手板
歸取告身委之而去曰如此尚可仕乎殺人以媚人吾
不為也達亦感悟囚得不死在郴桂陽皆有治績來南
昌縣人迎喜曰是能辨分寧獄者吾屬得所訴矣於是
更相告語莫違教命蓋不惟以抵罪為憂實以汙善政
為耻也在合州事嘉祐丙申不經先生手吏不敢決勾下之民不
肯從蜀之賢人君子皆喜稱之趙公時為使者人或讒
先生適公臨之甚感而先生處之超然然趙公疑終不
釋及守虔先生適佐州事趙公熟視其所為乃寤執其
手曰幾失君矣今日乃知周茂叔也於邵州新學校以

恤初平孤

名臣銘先生謂友人潘與嗣曰可仕可止古人无所及佳髮為季將以設施可澤於斯人及不待已止未晚也此瀛海者異時

教其人及使嶺表不憚出入之勤瘴毒之侵雖荒岸絕島人跡所不至者亦必緩視徐按務以洗寬澤物為已任施設措置未及盡其所為而病以歸矣自少信古好義以名節自砥礪奉已甚約俸祿盡以周宗族奉賓友家或無百錢之儲李初平卒子幼護其喪歸葬之又往來經紀其家始終不懈及分司而歸妻子餐粥或不給而亦曠然不以為意也襟懷飄洒雅有高趣尤樂佳山水遇適意處或倘佯終日廬山之麓有溪焉發源於蓮華峯下潔清紺寒下合於湓江先生濯纓而樂之因寓以漁溪之號而築書堂於其上豫章黃太史庭堅詩而序之曰茂叔人品甚高胸中洒落如光風霽月知德者

与子相送於其上
歌詠先王之道三
矣

天聖己巳年十三

志趣高遠應修

旧有小橋亭先生

呂釣游其上吟風

弄月名臣錄

嘉祐丙申至合州

已亥甫宗孟初覓

款曰世有斯人歟乃

以姊故之先生初要

陸氏涵以備

熙寧初呂公著聞

名薦之有啓謝云

在洛宦有勞之將

於高无矣一日之雅

朱子曰瀛海在富

時人見其政事精

絕則以爲宦業過

人見其有山林之志

亦深有取於其言云

遺事十四條

伊川先生作其父太中公家傳曰公嘗假倅南安軍獄
掾周惇實甚少不爲守所知公視其氣貌非常人與語
果爲學知道者因與爲友及爲郎官故事當舉代每遷
授輒一薦之

伊川先生作明道先生行狀曰先生自十五六時聞汝
南周茂叔論道遂厭科舉之業慨然有求道之志
河南劉立之叙述明道先生事曰先生從汝南周惇頤
問學窮性命之理率性會道體道成德出入孔孟從容
不勉

則以為襟懷西落
有仙風道氣無有
知其冬者惟程太
中知之宜其生兩
程夫子也

初平聽說

王拱辰字
君貺

群君貺拜

程氏門人記二先生語曰昔受學於周茂叔令尋顏子
仲尼樂處所樂何事

又曰明道先生言自再見周茂叔後吟風弄月以歸有
吾與點也之意又曰李初平見周茂叔云某欲讀書如
何茂叔云公老矣無及矣待某只說與公初平遂聽說
話二年乃覺悟

又曰王君貺嘗見茂叔為與茂叔世契便受拜及坐間
大風起說大畜卦君貺乃起曰適來不知受却公拜今
却當請納拜茂叔走避君貺此一事却過人謝周休問
當受拜不當受拜曰分已定不受乃是一本作风天小

畜卦

程子曰再見茂叔後
吟風弄月有吾手處
也之義明道
觀天地生物氣象茂
叔謂着一節筆口理
不如着一良卦註言
各止其所也

草不除

荀不識誠

又曰田獵自謂今無此好周茂叔曰何言之易也但此
心潛隱未發一日萌動復如初矣後十二年因見果知
未也明道年十六七時好田獵既而自謂已無此好則
周先生此語後十二年暮歸在田間見獵者不覺有喜
心

又曰周茂叔窓前草不除去問之云與自家意思一般
子厚觀驢鳴亦謂如此

又曰周茂叔謂荀子元不識誠伯淳曰既誠矣心焉用
養邪荀子不知誠

邵伯溫作易學辨惑記康節先生事曰伊川同朱光庭
公揆訪先君先君留之飲酒因以論道伊川指面前食

因卓論理

卓曰此卓安在地上不知天地安在甚處先君為極論
天地萬物之理以及六合之外伊川歎曰平生惟見周
茂叔論至此

呂本中作童蒙訓曰正獻公在侍從聞茂叔名力薦之
自常調除轉運判官茂叔以啓謝正獻公云在薄官有
四方之遊於高賢無一日之雅營道可弃仲農父自作
營道齋詩序曰營道縣出郭三十里而近有村落曰濂
溪周氏家焉族衆而業儒至先生遠宦弛肩廬阜力不
能返故居乃結屋臨流寓濂溪之名志鄉關在目中也
蘇黃二公與之同時而所為詩賦皆失本意文字傳誤
吁可歎已濂溪之周至今蕃衍云

邢恕和叔叙述明道先生事云茂叔聞道甚早王荊公為江東提點刑獄時已號為通儒茂叔遇之與語連日夜荊公退而精思至忘寢息

新增朱子語十二條

周子通書此近世道學之源也而其言簡質若此與世之指天畫地喝風罵雨者氣象不侔矣

服書

見答丘子

先生之學之奧其可以象告者莫備於太極之一圖若通書之言皆所以發明其蘊而誠動靜理性命等章為尤著程氏之書亦皆祖述其意而李仲通銘程邵公誌顏子好學論等篇乃或并其語而道之

見再

定太極通書後序

伊洛卷一

先生上接洙泗千載之統下啓河洛百世之傳者脉絡分明而規模宏遠矣歷選諸儒傳授之次以論其興復開創汎掃平一之功未有高焉者也

見濂溪祠

記下司

龍州李應休先生祠記

先生不繇師傳默契道體建圖屬書根極領要當時見而知之有程氏者遂擴大而推明之使夫天理之微人倫之著事物之衆鬼神幽莫不洞然畢貫于一而周公孔子孟氏之傳燮然復明于當世有志之士得以探討服行而不失其正如出于三代之前者嗚呼盛哉

江州重建應溪先生祠堂記

先生之言其高極乎太極無極之妙而其實不離乎
日用之間其幽探乎陰陽五行造化之蹟而其實不
離乎仁義禮智剛柔善惡之際其體用之一源顯微
之無間秦漢以下未有臻斯理者而其實則不外乎
六經論語中庸大學七篇之所傳也

性與府李廣作先生祠記

濂溪之圖書雖其簡古淵深未易究測然其大指則
不過語諸學者講學致思以窮天地萬物之理而勝
其私以復焉其施則善始於家而達之天下其具則
復古禮變今樂故以養民而刑以肅之也是乃所謂
伊尹之志顏子之學而程氏傳之以覺斯民者
蒙諭二程之於濂溪亦若橫渠之於范文正耳先覺

相傳之秘非後學所能測窺誦其詩讀其書則周范
之造詣固殊而程張之契悟亦異如曰仲尼顏子所
樂吟風詠月以歸皆是當時口傳心授的當親切處
後來二先生舉似後學亦不將作第二義看然則行
狀所謂反求之六經然後得之者特語夫功用之大
全耳至其入處則自濂溪不可誣也受學乃先生自
言此豈自誣者耶大抵近世諸公知濂溪甚淺如呂
氏童蒙訓記其嘗著通書而曰用意高遠夫通書太
極之說所以明天理之根源究萬物之終始豈用意
而為之又何高下遠近之可道哉

見興江尚書書

通書文雖高簡體實淵懿且其所論不出乎陰陽變

贊

化修已治人之事未嘗劇談無物之先文字之妙也
見答何叔京書

道喪千載聖遠言堙不有先覺孰開我人書不盡言
圖不盡意風月無邊庭草交翠
見瀛溪畫像贊

大抵瀛溪先生說得的當通書中數數拈出幾字要
當如此譬地即自然有箇省力處無規矩中却有規
規未造化時已有造化然後本隱之顯推見至隱無
處不昭合也
見答蔡季通書

瀛溪清和孔經甫祭其文曰公年壯盛玉色金聲從
容和毅一府皆傾墓碑亦謂其精密嚴恕氣象可想
見矣
見語錄下同

濂溪在當時人見其政事精絕則以為宦業過人見其有山林之志則以為襟懷洒落有仙風道骨無有知其學者惟程大中知之宜其生兩程子也汪端明嘗言二程之學非全資於周先生者蓋通書人多忽略不曾考究今觀通書皆是發明太極圖書雖不多而統紀已盡二程蓋得其傳但二程之業廣耳

嘉定二年賜諡厚
祐初封河南伯

伊洛淵源錄新增卷第二

明道先生

一作厚
純公
士申生
追封豫國公

行狀

伊川先生

曾祖希振皇任尚書虞部員外郎妣高密縣君崔氏祖
適皇贈開府儀同三司吏部尚書妣孝感縣太君張氏
長安縣太君張氏父珣見任太中大夫致仕母壽安縣
君侯氏先生名顥字伯淳姓程氏其先曰喬伯為周太
司馬封於程後遂以為氏先生五世而上居中山之博
野高祖贈太子少師諱羽太宗朝以輔翊功顯賜第於
京師居再世曾祖而下葬河南今為河南人先生生而
神氣秀爽異於常見未能言叔祖母任氏太君抱之行

手指得釵

治郭

辨民藏錢

不覺釵墜後數日方求之先生以手指示隨其所指而
往果得釵人皆驚異數歲誦詩書強記過人十歲能為
詩賦十二三時群居庠序中如老成人見者無不愛重
故戶部侍郎彭公思永謝客至學舍一見異之許妻以
女踰冠中進士第調任北府鄆縣主簿令以其年少未
知之民有借其兄宅以居者發地中藏錢兄之子訢曰
父所藏也令曰此無證佐何以決之先生曰此易辨爾
問兄之子曰爾父藏錢幾何時矣曰四十年矣彼借宅
居幾何時矣曰二十年矣即遣吏取錢十千視之謂借
宅者曰今官所鑄錢不五六年即遍天下此錢皆爾未
藏前數十年所鑄何也其人遂服令大奇之南山僧舍

石佛歛光

董役軍法

治上元

上元均田

有石佛歲傳其首放光遠近男女聚觀晝夜雜處為縣
者畏其神莫敢禁止先生始至詰其僧曰吾聞石佛歲
現光有諸曰然戒曰俟後現必先白吾職事不能往當
取其首就觀之自是不復有光矣府境水害倉卒興役
諸邑率皆狼狽惟先生所部飲食爰舍無不安便時盛
暑世利大行死亡甚眾獨鄢人無死者所至治役人不
勞而事集常謂人曰吾之董役乃治軍法也當路者欲
薦之多問所欲先生曰薦士當以才之所堪不當問所
欲再著以避親罷再調江寧府上元縣主簿田稅不均
比他邑尤甚蓋近府羨田為貴家富室以厚價薄其稅
而買之小民為一時之利以則不勝其弊先生為令盡

簡訟

塞塘救民

恰米活卒

法民不知擾而一邑大均其始富者不便多為浮論欲
搖止其事既而無一人敢不服者後諸路行均稅法邑
官不足益以它官經歲歷時文案山積而尚有訴不均
者計其力比上元不啻千百矣會令罷去先生攝邑事
上元劇邑訴訟日不下二百為政者疲於省覽奚暇及
治道先生處之有方不閱月民訟遂簡江南稻田賴陂
塘以溉盛夏塘堤大決計非千夫不可塞法當言之府
府稟於漕司然後計功調役非月餘不能興作先生曰
比如是苗槁久矣民將何食救民獲罪所不辭也遂發
民塞之歲則大熟江寧當水運之衝舟卒病者則留之
為營以處曰小營子歲不下數百人至者輒死先生察

不敢釋服

捕脯暢地

其由蓋既留然後請於府給券乃得食比有斯文具則
困於飢已數日矣先生白漕司給米貯營中至者與之
食自是生全者大半措置於纖微之間而人已受賜如
此之比所至多矣先生常云一命之士苟存心於愛物
於人必有所濟仁宗登遐遺制官吏成服三日而除三
日之朝庠尹率群官持釋服先生進曰三日除服遺詔
所命豈敢違也請盡今日若朝而除之所服止二日爾
尹怒不從先生曰公自除之某非至夜不敢釋也一府
相視無敢除者茅山有龍池其龍如螭蛇而五色祥符
中中使取二龍至中途中使奏一龍飛空而去自昔嚴
奉以為神物先生嘗捕而脯之使人不惑其始至邑見

折結鳥等

治澤

立五保法

人持竿以黏飛鳥取其竿折之教之使勿為及罷官解
符郊亦有教人共語自主簿折結竿鄉民子弟不敢畜
禽鳥不嚴而令行大率如此再暮就移澤州晉城令澤
人淳厚先服先生教命民以事之邑者必告之以孝悌
忠信入所以事父兄出所以事長上度鄉村遠近為五
保使之力役相助患難相恤而姦偽無所容凡孤寡殘
廢者責之親戚鄉黨使無失所行旅出於其塗者疾病
皆有所以養諸鄉皆有校暇時親至召父老而與之語見
童所讀書親為正句讀教者不善則為易置俗始甚野
不知為學先生擇子弟之秀者聚而教之去邑纔十餘
年而服儒服者蓋數百人矣鄉民為社會為立科條旋

預知殺人

理財

別善惡使有勸有耻邑幾萬室三年之間無強盜及鬪
死者秩滿代者且至吏夜叩門稱有殺人者先生曰吾
邑安有此誠有之則某村某人也問之果然家人驚異
問何以知之曰吾常疑此人惡少之弗草者也河東財
賦窘迫官所科買歲為民患雖至賤之物至官取之則
其價翔踴多者至數十倍先生常度所需使富家預儲
定其價而出之富室不失倍息而鄉官所費比常歲十
不過二三民稅常移近邊載往則道遠就糴則價高先
生擇富民之可任者預使購粟邊郡所費太省民力用
紓縣庫有難納錢數百千常借以補助民力部使者至
則告之曰此錢令自用而不敢私請一切不問使者屢

更無不從者先時民憚差役及則互相糾訴鄉鄰遂
為仇讎先生盡知民產厚薄第其先後按籍而命之无
有辭者河東義勇農隙則教以武事然應文備數而已
先生至晉城之民遂為精兵晉俗尚焚屍雖孝子慈孫
習以為安先生教諭禁止民始信之而先生去後郡官
有毋死者憚於遠致以殺烈火愚俗視倣先生之教遂
廢識者恨之先生為令視民如子欲辨事者或不持牒
徑至庭下陳其所以先生從容告語諄諄不倦在邑三
年百姓愛之如父母去之日哭聲振野用薦者改著作
佐郎尋以御史中丞呂公公著薦授太子中允權監察
御史袁行神宗素知先生名召對之日從容咨訪比二

三見遂期以大用每將退必曰頻求對來欲常相見爾
一日論議甚久日官報午正先生遽求退庭中中人相
謂曰御史不知上未食耶前後進說甚多大要以正心
室欲求賢育材為先先生不餽辭辨獨以誠意感動人
主神宗嘗使推擇人材先生所薦者數十人而以父表
弟張載暨弟頤為首所上章疏子姪不得窺其橐嘗言
人主當防未萌之欲神宗俯身拱手曰當為卿戒之及
因論人材曰陛下奈何輕天下士神宗曰朕何敢如是
言之至于再三時王荊公安石日益信用先生每進見
必為神宗陳君道以至誠仁愛為本未嘗及功利神宗
始疑其迂而禮貌不衰嘗極陳治道神宗曰此堯舜之

事朕何敢當先生愀然曰陛下此言非天下之福也荆公寢行其說先生意多不合事出必論列數月之間章數十上尤極論者輔臣不同心小臣與大計公論不行青苗取息賣祠部牒差提舉官多非其人及不經封駁京東轉運司剝民希寵不加黜責興利之臣日進尚德之風凌寒等十餘事荆公與先生雖道不同而嘗謂先生忠信先生每與論事心平氣和荆公多為之動而言路好直者必欲力攻取勝由是與言者為敵矣先生言既不行懇求外補神宗猶重其去上章及面請至十數不許遂闔門待罪神宗將黜諸言者命執政除先生監司差權發遣京西路提點刑獄復上章曰臣言是願行

判鎮

恭事上官

鎮定潰卒

之如其妄言當賜顯責請罪而獲遷刑賞混矣累請得
罷既而神宗手批黑白同列之罪獨於先生無責改差
簽書鎮寧軍節度判官事為守者嚴刻多忌通判而下
莫敢與辯事始意先生嘗任臺憲必不盡力職事而又
慮其慢已既而先生事之甚恭雖筦庫細務無不盡心
事小未安必與之辯遂無不從者相與甚歡屢平反重
獄得不死者前後蓋十數河清卒於法不他役時中人
程昉為外都水丞怙勢蔑視州郡欲盡取諸婦兵治二
股河先生以法拒之昉請於朝命以八百人與之天方
大寒昉肆其虐用衆逃而歸州官晨集城門吏報河清
兵潰歸將入城衆官相視畏昉欲弗納先生曰此逃死

自歸弗納必為亂物有言某自當之即親往開門撫諭
納歸休三日復役衆歡呼而入具以事上聞得不復遣
後昉奏事過州見先生言甘而氣懾既而揚言於衆曰
澶卒之潰乃程中允誘之吾必訴於上同列以告先生
笑曰彼方憚我何能爾也果不敢言會曹村埽決時先
生方救護小吳相去百里州帥劉公漢以事急告先生
一夜馳至帥侯於河橋先生謂帥曰曹村決京城可虞
臣子之分身可塞亦為之請盡以廂兵見付事或不集
公當親率禁兵以繼之帥義烈士遂以本鎮印授先生
曰君自用之先生得印不暇入城省親徑走決堤諭士
卒曰朝廷養爾輩正為緩急爾爾知曹村決則往京城

乎吾與爾曹以身捍之衆皆感激自效論者皆以為勢
不可塞徒勞人爾先生命善因者御細繩以渡決口水
方奔注達者百一卒能引大索以濟衆兩岸並進晝夜
不息數日而合其將合也有大木自中流而下先生願
謂衆曰得彼巨木橫流入口則吾事濟矣語纔已木遂
橫衆以為至誠所致其後曹村之下復決遂以不塞數
路困擾大為朝廷憂人以為使先生在职安有是也郊
祀肅恩先生曰吾罪滌矣可以去矣遂求監局以便親
養得罷歸自是醜正者競揚避新法之說歲餘得監西
京洛河竹木務薦者言其未嘗叙年勞丐遷秩特改太
常丞神宗猶念先生會修三經義嘗語執政曰程某可

神宗稱佳士

治扶溝

禁焚舟

用執政不對又嘗有登對者自洛至問曰程某在彼否
連言佳士其後彗見翼軫間詔求直言先生應詔論朝
政極切還朝執政屢進擬神宗皆不許既而手批與府
界知縣差知扶溝縣事先生詣執政復求監當執政諭
以上意不可改也數月右府同薦除判武寧新進者言
其新法之初首為異論罷復舊任先生為治專尚寬厚
以教化為先雖若甚迂而民竇風動扶溝素多盜雖樂
歲強盜不減十餘發先生在官無強盜者幾二年廣齊
蔡河出縣境瀕河不逞之民不復治生業專以脇取舟
人物為事歲必焚舟十數以立威先生始至捕得一人
使引其類得數十人不復復治舊惡分地而處之使以

常權穀價

貸粟賑飢

挽舟為業且察為惡者自是邑境無焚舟之患畿邑田
稅重朝廷歲常蠲除以為惠澤然而良善之民憚督責
而先輸逋負獲除者皆頑民也先生為約前科獲免者
今必如期而足於是惠澤是均司農建言天下輸後錢
達戶四等而畿內獨止第三請亦及第四先生力陳不
可司農奏其議謂必獲罪而神宗是之畿邑皆得免先
生為政常權穀價不使至甚貴甚賤會大旱麥苗且枯
先生教人掘井以溉一井不過數工而所灌數畝闔境
賴焉水災民飢先生請發粟貸之鄰邑亦請司農發遣
使閱實使至鄰邑而令遽自陳穀且登無貸可也使至
謂先生益亦自陳先生不肯使者遂言不當貸先生力

用故青帳

約盜改行

言民飢請貸不已遂得穀六千石飢者用濟而司農益怒視貸藉戶同等而所貸不等擢縣杖主吏先生言濟飢當以口之衆寡不當以戶之高下且令實為之非吏罪乃得已內侍都知王中正巡閱保甲權寵至盛所至陵慢縣官諸邑供帳競務華鮮以悅奉之主吏以請先生曰吾邑貧安能效他邑且取於民法所禁也今有故青帳可用之先生在邑歲餘中正往來境上卒不入鄰邑有冤訴府願得先生決之者前後五六有犯小盜者先生謂曰汝能改行吾導汝罪盜叩首願自新後數月復穿窬捕吏及門盜告其妻曰我與太丞約不復為盜今何面目見之耶遂自經官制改除奉議郎朝仕遣官

括牧地民田當沒者千頃往往持累世之券以自明皆
不用諸邑已定而扶溝民獨不服遂有朝旨改稅作租
不復加益及聽賣易如私田民既倦於追呼又得不加
賦乃皆服先生以為不可括地官至謂先生曰民願服
而君不許何也先生曰民徒知今日不加賦而不知後
日增租奪田則失業無以生矣因為言仁厚之道其人
感動謝曰寧受責不敢違公遂去之他邑不喻司先生
罷去其人復至謂攝令者曰程奉議去矣爾復何恃而
敢稽違朝旨督責甚急數日而事集鄰邑民犯盜繫縣
獄而逸既又遇赦先生坐是以特旨罷邑人知先生且
罷詣府及司農丐留者數千去之日不使人知老穉數

百追及境上攀挽號泣遣之不去以親老求遠鄉監局
得監汝州酒稅今上嗣位覃恩改承議郎先生雖小官
賢士大夫視其進退以卜興衰聖政方新賢德登進先
生特為時望所屬召為宗正寺丞未行以疾終元豐八
年六月十五也享年五十有四士大夫識與不識莫不
哀傷為朝廷生民恨惜先生資稟既異而充養有道純
粹如精金溫潤如良玉寬而有制和不流忠誠貫於
金石孝悌通於神明視其色其接物也如春陽之溫聽
其言其入人也如時雨之潤曾懷洞然徹視無間測其
蘊則浩乎若滄溟之無際極其德美言蓋不足以形容
先生行已內主於敬而行之以恕見善若出諸已不欲

弗施於人居實居而行火道言有物而動有常先生為
學自十五六時聞汝南周茂叔論道遂厭科舉之業漸
然有求道之志未知其要泛濫於諸家出入於老釋者
幾十年返求諸六經而後得之明於庶物察於人倫知
盡性至命必本於孝悌窮神知化由通於禮樂辨異端
似是之非開百代未明之惑秦漢以下未有臻斯理也
謂孟子沒而聖學不傳以興起斯文為已任其言曰道
之不明異端害之也昔之害近而易知今之害深而難
辨昔之惑人也乘其迷暗今之入人也目其高明自謂
之窮神知化而不足以開物成務言為無不周遍實則
外於倫理窮深極微而不可以入堯舜之道天下之學

非淺陋因滯則必入於此自道之不明也邪說妖異之
說競起塗生民之耳目溺天下於汙濁雖高才明智膠
於見聞斷生夢死不自覺也是皆正路之塞無聖門之
蔽塞闢之而後可以入道先生進將覺斯人退將明之
書不幸早世皆未及也其辨析精微猶見於世者學者
之所傳甬先生之門學者多矣先生之言平易易知賢
愚皆獲其益如群飲於河各充其量先生教人自致知
至於知止誠意至於平天下洒掃應對至於窮理盡性
循循有序病世之學者趨近而趨遠處下而闚高所以
輕自大而卒無得也先生接物辨而不間感而能通教
人而人易從怒人而人不怨賢愚善惡咸得其心狡偽者

獻其誠暴慢者致其恭聞風者誠服覲德者心醉雖小
人以趨嚮之異顧於利害時見排斥退而省其私未有
不以先生為君子也先生為政治惡以寬靈煩而裕當
法令繁密之際未嘗從眾為應文逃責之事人皆病於
拘礙而先生處之綽然衆憂以為甚難而先生為之沛
然雖當倉卒不動聲色方監司競為嚴急之時其待先
生率皆寬厚設施之際有所賴焉先生所為綱條法度
人可效而為也至其道之所從動之而不求物而物
應未施信而民信則人不可及也彭夫人封仁和縣君
嚴正有禮事舅以孝稱善睦其族先一年卒一本有五
字子一本有三早卒字曰端懿蔡州汝陽縣主簿曰端

本治進士集一本有四字文一本有三六二字適假承
務郎朱純之卜以今年十月乙酉葬于伊川先塋謹書
家世行業及歷官行事之大槩以求誌於作者

門人朋友叙述并序

先兄明道之葬願快其行以求誌銘且備異日史氏
採錄既而門人朋友為文以叙其事迹述其道學者
甚衆其所以推尊稱羨之意人各用其所知蓋不同
也而以為孟子而後傳聖人之道者一人而已是則
同文多不能盡取取其有補於行狀之不及者數篇
附于行狀之後

河間劉立之曰先生幼有奇一作異質明慧驚人年數

歲既有成人之度。賞賦酌貪泉詩曰。中心如有固。外物豈能遷。當世先達。許其志操。及長豪勇。自奮不弱於流俗。從汝南周茂叔問學。窮性命之理。率性會道。體道成德。出入孔孟。從容不勉。踰冠應書。京師聲望。鵲然老儒。宿學皆自以為不及。莫不造門。願交。釋褐主永興軍鄆縣簿。永興帥府其出守。皆禁密。大臣待先生莫不盡禮。為令晉城其俗朴陋。民不知學。中間幾百年無登科者。先生擇其秀異。為置學舍。糧具聚而教之。朝夕督厲。誘進學者風靡日盛。熙寧元豐間。應書者至數百。登科者十餘人。先生為政條教精密。而主之以誠心。晉城之民被服先生之化。暴桀子弟至有恥不犯法。迄先生去三年。

問編戶數萬農罪不極典者纔一人然鄉閭猶以不遵
教令為深恥熙寧七年立之得官晉城拒先生去已十
餘年見民有聚口衆而不析異者問其所以云守程公
之化也其誠心感人如此薦為御史神宗召對問所以
為御史對曰使臣拾遺補闕裨贊朝廷則可使臣拾
臣下短長以沽直名則不能神宗歎賞以為得御史體
神宗厲精求治王荊公執政議法改令言者攻之甚力
至有發憤肆罵無所不至者先生獨以至誠開納君相
疏入輒削藁不以示子姪常曰楊已矜衆吾所不為嘗
被旨赴中堂議事荊公方怒言者厲色待之先生徐曰
天下之事非一家私議願公平氣以聽荊公為之愧屈

善談大中公得請領崇福先生求新資監當以便養歸
洛從容親建日以讀書勸學為幸先生經術通明義理
精微樂告不倦士大夫從之講學者曰夕盈所虛往實
且人得所欲先生在御史有南士遊執政門者方自南
還未至而附會之說先布都下且其人素議訾闕先生
奏言其行後先生被命判武學其人已位通顯懼先生
復進乃抗章言先生新法之初首為異論先生笑曰是
豈誣我邪復以便親乞汝州監局先生高才遠業淪屈
里穴人為先生歎息而先生處之恪勤匪懈曰執事安
得不謹今皇帝即位以宗正丞召朝廷方且用之未赴
闕得疾以終先生有天下重望士民以其出處卜時隆

汚聞計之曰識與不識莫不隕涕自孟軻沒聖學失傳
學者穿窬妄作不知入德先生傑然自立於千載之後
爰闢榛穢開示本原聖人之庭戶曉然可入學士大夫
始知所向然高才世希能造其藩閥者蓋鮮紀堂與乎
先生德性充完粹和之氣溢於面背樂易多經終日怡
悅立之從先生三十年未嘗見其一有有字從屬之容
接人溫然無賢不肖皆使之款曲自盡聞人一善必嗟
獎勞惟恐其不篤人有不及開道誘掖惟恐其不至故
雖桀傲不恭見先生莫不感悅而化服風格高邁不事
標飾而自有畦畛望其容色聽其言教則放心邪氣不
復萌于胷中大中公告老而歸家素清窶儉居洛城先

生以祿養族大食粟穀粟僅足而老幼各盡其歡中外
幼孤寡無託者皆以養之撫育誨導期于成人嫁女娶
婦皆先孤遺而後及已子食無重肉衣無魚副女長過
期至無貴以遣先生達於從政以仁愛為本故所至民
戴之如父母立之嘗問先生以臨民曰使民各得輸其
情問御史曰正已以格物雖愚不肖佩服先生之訓不
敢忘怠先生抱經濟大器有開物成務之才雖不用于
時然至誠在天下惟恐一物不得其所見民疾苦如在
諸已聞朝廷興作小失則憂形顏色嘗論所以致君堯
舜措俗成康之意其言感激動人千五百年一生斯人
時命不會如此義志不行利澤不施惜哉立之家與先

生有累世之舊先人高爽有奇操與先生好在密先人
早世立之方數歲先生兄弟取以歸教養視子姪卒立
其門戶末世俗傳朋友道衰聞先生之風宜有愧恥立
之從先生最久聞先生教最多得先生行事為最詳先
生終繫官朝陞不得與於行服之列哭泣之哀承計悲
號摧裂肝膈先生大節高誼天下莫不聞至於委曲纖
細一言一行足以垂法來世而人所不及知者大懼埋
沒不傳以為門人羞輒書所知以備採摭

沛國朱光庭曰嗚呼道之不明不行也久矣自子思筆
之於書其後孟軻倡之軻死而不得其傳退之之言信
矣大抵先生之學以誠為本仰觀乎天清明窅窅日月

之運行陰陽之變化所以然者誠而已俯察乎地廣博
持載山川之融結草木之繁殖所以然者誠而已人居
天地之中參合無間純亦不已者其在茲乎蓋誠者天
德也聖人自誠而明其靜也淵停其動也神速天地之
所以位萬物之所以育何莫由斯道也先生得聖人之
誠者也自始學至於成德雖天資穎徹絕出等夷然卓
然之見一主於誠故推而事親則誠孝事君則誠忠友
于兄弟則綽綽有裕信於朋友則父要不忘脩身慎行
則不愧於屋漏臨政愛民則如保赤子非得夫聖人
之誠孰能與於斯才周萬物而不自以為高學際三才
而不自以為足行貫神明而不自以為異識照古今而

不自以為得至於六經之奧義百家之異說研窮搜抉
判然胷中天地之事雖萬變交於前而燭之不失毫釐
權之不失輕重凡貧富貴賤死生皆不足以動其心真
可謂大丈夫者非所得之深所養之厚能至於是歟嗚
呼天之生斯人使之平治天下功德豈小補哉方當聖
政日新賢者彙進殆將以斯道覺斯民而天集之速可
謂不幸之甚矣孔子曰朝聞道夕死可矣自孟軻以來
千有餘歲先王大道得先生而後傳其補助天地之功
可謂盛矣雖不得高位以澤天下然而以斯道倡之于
人亦已較著其間見而知之尚能似之先生為不亡矣
河間邢恕曰先生德性絕人外和內剛眉目清峻語聲

鏗然恕早從先生之弟學初見先生於磁州其氣貌清
以夷粹其接人和以有容其斷義剛而不犯其思索妙
造精義其言近而測之益遠恕蓋始怵然自失而知天
下有成德君子所謂完人者若先生是已先生為澶州
幕官歲餘罷歸恕後過澶州問村民莫不稱先生咨嗟
歎息蓋先生之從政其視民如子憂公如家其誠心感
人雖為郡僚佐又止歲餘而去至使田父野人皆知其
姓名又稱歎其賢使先生為一郡又如何哉使先生行
乎天下又如何哉既不用於朝廷而以奉親之故祿仕
於篋庫以為養居洛幾十年玩心於道德性命之際有
以自養其渾浩冲融而必合乎規矩準繩蓋真顏氏之

流黃憲劉迅之徒不足道也洛實別都乃士人之區數
在仕者皆慕化之從之質疑解惑問里士大夫皆高仰
之樂從之游學士皆宗師之講道勸義行李之從來過
洛者苟知名有識必造其門虛而往實而歸莫不心醉
欽衽而誠服於是先生身益退位益早而名益高於天
下今皇帝即位太皇太后同聽斷允政事之利者存害
者去復起司馬公君實以為門下侍郎用呂公晦叔為
尚書左丞而先生亦以宗正丞召執政日須其來將大
用之計至京師諸公人人歎嗟為朝廷惜士大夫下至
布衣諸生聞之莫不相吊以為哲人云亡也嗚呼惟先
生以直道言事不合去國十有七年今太母制政下令

不出房闥天下固已晏然方大講求政事之得失救偏
矯枉資人材以成治功之時如先生之材大小左右內
外用之無不宜蓋其所知上極堯舜三代帝王之治其
所以包涵博大悠遠纖悉上下與天地同流其化之如
時雨者先生固已默而識之至於興造禮樂制度文為
下至行師用兵戰陣之法無所不講皆造其極外之夷
狄情狀山川道路之險易邊鄙防戍城寨弁戍控帶之
要靡不究知其吏事操決文法簿書又皆精密詳練著
先生可謂通儒全才矣而所有不試其萬一又不究於
高年此有志之士所以慟哭而流涕也

成都范祖禹曰先生為人清明端潔內直外方其學本

於誠意正心以聖賢之道可以必至勇於力行不為空
文其在朝廷與道行止主於忠信不崇虛名其為政視
民如子慘怛教愛出於至誠見利除害所欲必得故先
生所至民賴之如父母去久而思之不忘先生嘗言縣
之政可達於天下一邑者天下之式也先生以親老求
為閒官居洛陽殆十餘年與弟伊川先生講學于家化
行鄉黨家貧䟽食或不繼而事親務養其志賙贍族人
必盡其力士之從學者不絕於館有不遠千里而至者
先生於經不務辭析為枝詞要其用在已而明於知天
其教人曰非孔子之道不可學也蓋自孟子沒而中庸
之學不傳後世之士不循其本而用心於末故不可與

入堯舜之道先生以獨知自得去聖人千有餘歲發其
關鍵直覩堂與一天地之理盡事物之變故其見肅而
氣和志定而言厲望之可畏叩之可親叩之者無窮從
容以應之其出愈新真學者之師也成就人才於時為
多雖久去朝廷而人常以其出處為時之通塞既除宗
正丞天下日望先生入朝以為且大用及聞其亡上自
公卿下至閭巷士民莫不哀之曰時不幸也其命矣夫

卷之四

七

Blank page with horizontal ruling lines.

伊洛淵源錄新增卷第三

明道先生

書行狀後

游酢

先生道德之高致經綸之遠圖進退之大節伊川李先生與門人高弟既論其實矣酢復何言謹拾其遺事備採錄云先生生而有妙質聞道甚早年逾冠明誠夫子張子厚友而師之子厚少時自喜其才謂提騎之數萬可橫行匈奴視飯乞為易與耳故從之游者多能道邊事既而得聞先生論議乃歸謝其徒盡棄其舊學以從事於道其視先生雖外兄弟之子而虛心求益之意懇懇如不及逮先生之官猶以書抵扈以定性未能不動

致月先生為破其說使內外動靜道通為一讀其書可
考而知也其後子厚學成德學識者謂與孟子比然猶
秘其學不多為人講之其意若曰雖復多聞不務畜德
徒善口耳而已故不屑與之言先生謂之曰道之不明
於天下久矣人善其所習自謂至足必欲如孔門不憤
不啓不悱不發則師資勢隔而先王之道或幾乎熄矣
趣今之時且當隨其資而誘之雖識有明暗心有淺深
亦各有得焉而堯舜之道庶可馴致子厚用其言故關
中學者躬行之多與洛人並推其所自先生發之也擢
為御史廉著其渥丞承德寺所獻納必據經術事常辯
於中而戒於漸一日神宗縱言及於辭命先生曰人主

之學惟當務約急辭命非所先也神宗為之動顏會同
天節宮嬪重獻奇巧為天子壽先生既言於朝又顧謂
執政戒之執政曰宮嬪實為非上意也庸何傷先生曰
作此所以傷上心所傷多矣公之言非是執政辭遂屈
是時有同在臺列者志未必同然心慕其為人嘗語人
曰它人之賢者猶可得而議也乃若伯淳則如袁王然
反覆視之表裏洞徹真見疵瑕先生平生與人交無隱
情雖僮僕必託以忠信故人亦不忍欺之嘗白潼關遣
奴持金詣京師買用物計金之數可當二百个奴無父
母妻子同列聞之莫不駭且詰既而奴持物如期而歸
衆始歎服蓋誠心教於中暢於四照見之者信慕事之

者華心大抵類此先生少長親闡視之如傷又氣象清
越洒然如在塵外宜不能勞苦及遇事則每與賤者同
起居飲食人不堪其難而先生處之裕如也嘗晝役雖
祁寒烈日不擁裘不御蓋時可巡行衆莫測其至故人
自致力常先期畢事豈料夫伍中夜多譁一夫或怖萬
夫競起姦人乘虛為盜者不可勝數先生以師律處之
遂訖去無譁者及後縣大散部任猶肅整如常初至鄆
有監酒稅者以賄播聞然怙力文身自號能殺人衆皆
憚之雖監司州將未敢散先生至將與之同事其人心
不自安輒為言曰外人謂某自盜官錢新主簿將殺之
某勢窮必殺人言未訖先生笑曰人之為言一至於此

足下食君之祿豈肯為盜萬一有之將救死不暇安能
殺人其人默不敢言後亦私償其所盜卒以善去州從
事有既孤而遭祖母喪者卽為嫡孫未果承重先生為
推典法意告之甚悉其人從之至今遂為定令而天下
搢紳始習為常蓋先生御小人使不露於法助君子使
必成其美又大抵類此先生雖不用而未嘗一日忘朝
廷然久幽之撫確乎如石膏中之氣冲如也所至士大
夫多棄官從之學朝見而夕歸飲其和茹其實既久而
不能去其徒有貧者以單衣御冬累年而志不變身不
屈蓋先生之教要出於為己而士之游其門者所學皆
心到自得無求於外以故其貧者忘飢寒已仕者忘爵

祿魯重者敏謹細者裕強者無拂理慮者有立志可以
修身可以齊家可以治國平天下非若世之士妄意空
無追咏昔人之糟粕而身不與焉又措之事業則儼然
無礙而已也方朝廷圖任真儒以惠天下天下有識者
謂先生行且大用矣不幸而先生卒嗚呼道之行與廢
果非人力所能為也悲夫哭而為之贊曰

天地之心其太一之體歟天地之化其太和之運歟確
然高明萬物覆焉隤然博厚萬物載焉非以其一歟陽
自此舒陰自此凝消息滿虛莫見其形非以其和歟夫
子之德其融心滌慮默契於此歟不然何穆穆不已渾
渾無涯而能言之士莫足以頌其美歟嗟呼孰謂此道

未施此民未覺而先覺者逝歟百世之下有想見夫子而不可得者亦能觀諸天地之際歟

哀詞

呂大臨

嗚呼去聖遠矣斯文喪矣先王之流風善政泯滅而不可見明師賢弟子傳授之學斷絕而不得聞以章句訓詁為能窮遺經以儀章度數為能盡儒術使聖人之道玃於腐儒諷誦之餘隱於百姓日用之末反求諸已則罔然無得施之於天下則若不可行異端爭衡猶不與此先生負特立之才知大學之要博文強識躬行力究察倫明物極其所止渙然心釋洞見道體其造於約也雖事變之感不一知應以是心而不窮雖天下之理至

衆知反之吾身而自足其致於一也異端並立而不能
移聖人復起而不與易其養之成也和氣充浹見於聲
容然望之崇深不可慢也遇事優為從容不迫然誠心
懇惻弗之措也其自用之重也寧學聖人而未至不欲
以一善成名寧以一物不被澤為已病不欲以一時之
利為已功其自信之篤也吾志可行不苟潔其去就吾
義所安雖小官有所不屑夫位天地育萬物者道也傳
斯道者斯文也振已墜之文達未行之道者先生也使
學不卒傳志不卒行至於此極者天也先生之德可形
容者猶可道也其獨知自得合乎天契乎先聖者不可
得而道也元豐八年六月明道先生卒門人學者皆以

所自得者名先生之德先生之德未易名也亦各伸其
志爾

墓表

大宋明道先生程君伯淳之墓

守太師致仕潞國公文忠公惇題

先生名顥字伯淳葬于伊川潞國太師題其墓曰明道
先生第願序其所以刻之石曰周公沒聖人之道不行
孟軻死聖人之學不傳道不行百世無善治學不傳千
載無真儒無善治士猶得以明夫善治之道以淑諸人
以傳諸後無意儒天下買買焉莫知所之人欲肆而天
理滅矣先生生千四百年之後得不傳之學於遺經志

時以斯道覺斯民天不慈遺哲人早世鄉人士大夫相
與議曰道之不明也久矣先生出倡聖學以示人辨異
端闢邪說開歷古之沉迷聖人之道得先生而後明為
功大矣於是帝師采衆議而為之碑以表其墓學者之
於道知所向然後見斯人之為功知所至然後見斯名
之稱情山可與谷可堙明道之名亘萬古而長存勒石
墓傍以詔後人

贊

陳怡

賢哉先生始於孝悌孝篤於親悌友其弟推以治人不
為而化民靡有爭揖讓于野移之事君謹言忠謨姦邪
之言感動歡獻舉以教人粹然王道天下英才躬服允

伊川云明道之尊門人朋友以
述道各其所知蓋不同而以
為孟子之後傳聖人之道
者一人而已是則同

天理出來

又云某字甚敬非是要字好
只此是字 朱子心銘曰

握管濡毫 一在其中 放意則差
伸紙行墨 點畫 取妍則差

必有事焉
神明厥德

侯仲良曰朱公按見明道於汝

蹈本於正身惟德溫溫如冬之日如夏之雲終其默識
洞暢古今鉤深窮微該世之務賢哉先牛超然絕倫大
用甚通甜奪之年先生之道不在其弟方其初起天下
咸喜今其西矣天下懷矣誰為有力進之君矣俾行其
道覺斯民矣

遺事二十七條

明道先生曰吾學雖有所受天理二字却是自家體貼
出來 見上蔡語錄

先生謂學者曰賢者顯如此顯煞用工夫

常見伯淳所在臨政便上下響應到了人衆後便成風
成風則有所鼓動天地間只是一箇風以動之也 見程

州故謂人曰甚在春風中坐了
一月

視民如傷

假僕掘來

氏遺書伊川先生語

明道作縣常於左右書視民如傷四字云顯每日常有
媿於此觀其用心應是不到錯決擡了人見龜山語錄
明道臨民刑未嘗不用亦嚴亦威然至誠感人而人化
之見後子雅言

明道主簿上元時謝師直為江東轉運判官師直來省
其兄嘗從明道假公僕掘桑白皮明道問之曰漕司得
卒甚多何為不使曰本草說桑白皮出土見日者殺人
以伯淳所使人不欺故假之爾師宰之相信如此見文
集伊川記下同

謝師直尹洛時嘗談經與鄙意不合因曰伯淳亦然往

在上亢景溫說春秋猶時見取至言易則皆曰非是願
謂曰二君皆通易者也監司談經而主簿乃曰非是監
司不怒主簿敢言作通易能如是乎

論安石學

張九成曰明道書室前有章茂叟砌或功之夢
明道曰不可欲常見造物
生身又置盆池畜小魚如
尾時一視之曰云觀万物
自得意草之子魚人所
共見惟明道見草則知
生身見魚則知自得云
豈庸俗之見可同日而語

明道昔見上稱介甫之學對曰至安石之學不是上愕
然問曰何對曰臣不敢遠引止以近事明之臣嘗讀詩
言周公之德云公孫碩膚赤舄几几周公盛德形容如
是之盛如王安石其身猶不能自治何足以及此見遺
書又按龜山語錄亦載此語稱周公赤舄几几聖人蓋
如此若安石剛極自任恐聖人不然恐當以遺書為正
神宗問王安石之學如何明道對曰安石博學多聞則
有之守約則未也見遺書下同

荆公嘗與明道論事不合因謂先生曰公之學如上壁
言難行也明道曰參政之學如捉風後來遂不附已者
而獨不怨明道且曰此人雖不知道亦忠信人也

新政之改亦是吾黨爭之有太過成就今日之事塗炭
天下亦須兩分其罪可也當時天下岌岌乎殆哉介甫
欲去數矣其時介甫直以數事上前去就若青苗之
議不行則決其去伯淳於上前與孫榮老同得上意要
了當此事大抵上意不欲抑介甫要得人擔當了而介
甫之意亦尚無必伯淳嘗言管仲猶能言出令當如流
水以順人心今參政須要做不順人心事何故介甫之
意只恐始為人所沮且後行不得伯淳知道但做順人

心事人誰不願從也介甫道此感賢誠意却則為天祺
其日於中書大忤緣是介甫大憾遂以死力爭於上前
上為之一以聽用從此黨分矣羣老受約束而不肯行
遂坐貶而伯淳遂待罪既而除以京西提刑伯淳復求
對遂見上上言有甚文字伯淳云今咫尺天顏尚不能
以回天意文字更復何用欲去而上問者數四伯淳每
以陛下不宜輕用兵為言朝廷群臣無能任陛下事者
以今日之患觀之猶是自家不善從容至如青蒿且放
過又且何妨伯淳當言職苦不曾使文字大綱只是於
上前說了其他些小文字只是備禮而已大抵自仁祖
朝優容諫臣當言職者必以詆許而去為賢習以成風

惟恐人言不稱職以去為落便宜昨來諸君蓋未免此
苟如是為則是為已尚有私意在却不在朝廷不干事
理

今日朝廷所以特惡忌伯淳者以其可理會事只是理
會學這裏動則於他輩有所不便也故特惡之深

以吾自處猶是自家當初學未至意未誠其德尚薄無
以感動它天意此自思則如此然今日許大氣艷當時
欲一二人動之誠如河濱之人捧土以塞孟津誠可笑
也據當時事勢又至於今日豈不是命

程伯淳先生嘗曰熙寧初王介甫行新法並用君子小
人君子正直不合介甫以為俗學不通世務斥去小人

荀容論佞介甫以為有才智變通用之君子如司馬君
實不拜同知樞密院以去范堯夫辭同偕起居注得罪
張天祺自監司御史面折介甫被謫介甫性狠愎衆人
皆以為不可則執之愈堅君子既去所用皆小人爭為
刻薄故害天下益深使衆君子未與之敵俟其勢久自
綏未曲五章尚有聽從之理則小人無隙以乘其為害
不至如此之甚也見邵氏聞見錄

聖人志在天下國家與常人志在功名全別孟子傳聖
人之道故曰予豈若是小丈夫然哉諫於其君而不受
則悻悻然見於其面去則窮目之力且看聖人氣象則
別明道先生却是如此元豐中有詔起呂申公司馬溫

公溫公不起明道依詩送呂申公又詩寄溫公二詩皆自
見文集其意直是眷眷在天下國家雖然如此於去就
又却極分明不放過一步依臺官時言新法者皆得責
明道獨除提刑辭不受改除簽判乃止見胡氏傳家錄
元豐二年二月詔以程顥同判武學願臨攬開封府推
官諫官李定以顥嘗為御史論新法與臨併言罷之呂
申公上疏略曰顥立身行已素有本末謹學議論必益
疏通且其在言路日時有論列皆辭意忠厚不失臣子
之體

扶溝地卑歲有水旱明道先生經畫溝洫之法以治之
未及興工而先生去官先生曰以扶溝之地盡為溝洫

坐如泥塑

詩貴諷諫

必數年乃成吾為經畫十里之地以開其端後之人知其利必有繼之者矣夫為令之職必使境內之民凶年饑歲免於死亡飽食逸居有禮義之訓然後為盡故吾於扶溝開設學校聚邑人子弟教之亦幾成而廢夫百里之施至狹也而道之興廢繫焉是數年皆未及成豈不有命與然知而不為而責命之興廢則非矣此吾所以不敢不盡心也

見通鑑蒙錄

明道終日坐如泥塑人然接人渾是一團和氣所謂望之儼然即之也溫見上蔡語錄

凡詩必使言之無罪聞者知戒所以尚諷諫也如東坡詩只是譏誚朝廷無至誠惻怛愛君之意言之安得無

罪罟之豈足以戒乎伯淳先生詩云未須愁日暮天際
是輕陰又云莫愁盞酒十分醉只恐風花一片飛何其
溫柔敦厚也聞之者亦且自然感動矣

見龜山語錄

學者須是胸懷擺脫得開始得不見明道先生作鄆縣
主簿時有詩云雲淡風輕近午天傍花隨柳過前川時
人不識予心樂將謂偷閑學少年看他胸中直是好與
曾點底事一般先生又有詩云閑來無事不從容睡覺
東窓日已紅萬物靜觀皆自得四時佳興與人同道通
天地有形外思入風雲變態中富貴不滯貧賤樂男兒
到此是豪雄問周恭叔恁地放閑如何謝曰他不是擺
脫得閑只為立不住便放却試早在裏明道門擺脫得

開為他所過者化問見箇甚道理便能所過者化謝曰
呂晉伯下得一轉語好道所存者神便能所過者化所
過者化便能所存者神橫渠云性性為能存神物物為
能過化甚親切見上蔡語錄下同

明道先生善言詩他又不曾章解句繹但優游玩味吟
哦上下便使人有得處又曰伯淳談詩並不下一字訓
詁有時只轉一兩字點平聲撥地念過便教人省悟石
曰古人所以貴親炙之也

伊川與君實語終日無一句相合明道與語直是道得

明道先生與門人講論有不合者則曰更有商量伊川

則直曰不然見外書

康節邵先生作四賢吟云老國之言鋪陳晦叔之言簡
當君實之言優游伯淳之言條暢四賢洛陽之望是以
在人之上有宋熙寧之間大為一時之壯見擊壤集

元豐八年三月五日神宗外遷詔至洛故相韓康公為
留守程宗丞伯淳為汝州酒官會以檄來舉茲於府既
罷謂康公之子宗師兵部曰顯以言新法不便忤大臣
同列皆謫官顯獨除監司顯不敢當辭之念先帝見知
之恩終無以報已而立兵部曰今日朝廷之事如何宗
丞曰引焉君實呂晦叔作相矣兵部曰二公果作相當
如何宗丞曰當與元豐大臣同若先分黨與他日可憂

兵部曰何憂宗子曰元豐大臣皆嗜利者使自變其已甚害民之法則善矣不然老冠之害未艾也臣實忠直難與議晦叔解事恐力不足爾既而二公果並相召宗丞未行以疾卒宗丞為溫公申公所重使不早死更相調護協濟於朝則元祐明黨之論無自而起矣論此事時范醇夫朱公掞杜孝錫伯溫同聞之今四十年而其言益驗故表而出之

見邵氏聞見錄

先生墓誌韓公持國撰孫公曼叔書見文集然誌文作不傳於世韓氏家集經亂而不存矣

或問明道於富韓公公曰伯淳無福天下人也無福見涪陵記善錄

責沈文

冠帶讀文

陳忠肅公嘗作責沈文送其姪孫淵幾與公葉公沈諸
梁問孔子於子路子路不對葉公當世賢者曾有仲尼
而不知聖乎子路之不對也予元豐乙丑夏為禮部貢
院點檢官適與校書郎范公淳夫同舍公嘗論顏子之
不遠不貳惟伯淳有之予問公曰伯淳誰也公默然久
之曰不知有程伯淳邪予謝曰生長東南實未知也時
予年二十九矣自是以來嘗以寡陋自媿見陳忠肅公
集范公遺事云自是每得明道先生之文必冠帶而後
讀之

新增

墓誌銘

伯淳姓程氏諱顥其先有為周太司馬者曰喬伯封
於程後遂以為氏高祖贈太子少師諱弼有功太宗
朝賜第在京師居再世遷河南今為河南人先生生
而秀爽異於常見才數歲誦詩書強記絕人故戶部
侍郎彭公季長一見異之遂許妻以女舉進士中第
調京兆府鄠縣主簿有石佛像浮屠歲傳佛首放光
則遠近男女晝夜集會觀不止為縣者畏其神莫敢
禁先生始至詰其徒曰吾聞石像歲現光有諾曰然
戒之曰光現必先告我我當取其首視之自是不復
有光矣府境大水諸縣倉卒興役皆狼狽失措置惟
先生所治飲食葢舍無一不具時暑甚役人病多死

獨郭人無死者監司欲薦之問其所欲先生答以薦
士當以心之所堪不當問所欲避親嫌殺江寧上元
縣主簿田抗不拘比他邑尤甚先生為令畫法民不
知擾而稅遂均會令罷攝邑事濞訥日不減二三百
數先生處之不閱月民訟遂簡江南俗種稻賴陂塘
以溉盛夏塘潰計非千夫不能塞故事當言之府稟
之監司然後計功調役先生曰比如是苗稿矣救民
獲罪所不辭也遽發民塞之歲則大獲仁宗升遐遺
制官吏成服三日除三日旦知府事王贊寧郡官將
釋服先生進曰請盡今日贊怒不從先生曰公自除
之其非至夜不敢釋一府視君亦莫敢除移澤州晉

戒縣令民以事至庭下者必教之以事父兄孝悌上
之道暇則親至諸鄉校召父老與之語兒童讀書者
為正其章句置師不善則易之勿俗甚野不知為學
後數年服儒衣冠者遂衆鄉里遠近為伍保使之
役相助患難相卹姦偽無所容孤寡老病者責鄉黨
使無失所行旅出於其途者疾病皆有所養三盜
無剽劫民無鬪死者河東路財賦不充官有升賞則
物價騰踴歲為民患先生度所領使富家預儲其物
定價而出之富家不失息而鄉民所費以舊有十二
三鄉縣庫有雜納錢數百千常借以補助民力部使
者至則告以此錢令自用而不敢私使者謂君之誠

亦不問先時民憚差後鄉鄰往往為讎先生等民
產厚薄按籍而命之莫有辭者義勇常以農隙講事
然但文具而已先生至晉城民遂為精兵用者改
著作佐郎尋以御史中丞呂公晦叔為提太子中允
擢太子中允權監察御史裏行神宗未聞先生言陛
對之日從容咨訪比二三見遂期以顯用前後進說
大要以正心窒欲求賢育材為先嘗言人主當防未
萌之欲神宗俯身拱手曰當為卿戒之時三荆公為
宰相多所措置先生每進見必為上陳君道以至誠
仁愛為本不當及功利又極陳治道神宗曰此堯舜
之事朕何敢當先生慨然曰陛下有此言非天一福

也章數十上論輔臣不同心小臣與大計賣祠部牒
青苗取息提舉官多非具人命出不由門下興利之
臣日進尚德之風寢衰荆公雖與先生異論而嘗目
君以忠信言既數不用懇求外補神宗猶重其去上
章及面請至十數不許遂闔門待罪差權發遣西京
路提點刑獄復上章曰臣言是願行之如其安當賜
顯黜請罪而獲遷失刑賞矣改差僉書鎮寧軍節度
判官事河清卒法不他役時中貴人程昉為外都水丞
怙勢凌轢欲盡取諸埽兵治二股河先生拒以法昉
請於朝命以八百人與之天方大寒衆不勝役濱而
歸城吏來報一府相視畏昉不敢納先生曰此逃死

自歸休三日而復役曹村決先生方護小吳埽知州
軍事劉渙以急告先生夜馳至州謂渙曰曹村決京
師可虞臣子之分身可塞亦為之請盡以廂兵見付
事或末集公當率禁兵繼之徑走埽下諭士卒曰朝
廷養爾曹正為緩急爾知曹村決則注京師乎吾與
爾以身捍之矣皆感激自效決口拊合先生謂衆曰
得彼木橫流入口吾事濟矣語已木遂橫矣以為至
誠所致郊祀霽恩先生曰吾罪滌可以去矣遂求監
臨得西京洛河竹木務薦者言君未嘗叙年勞遷秩
特改太常丞其後彗星見有詔求直言先生極論時
政語甚切直還朝差知扶溝縣事廣濟河出縣境瀕

河姦民不治生業專以脇取舟人物為事歲必焚舟
數十以立威先生始至捕一人使引其黨得數十輩
不復根治讐惡分地而處之使以挽舟為業且察姦
不變者自是焚舟之患遂絕畿縣民苦稅重歲常以
赦獲蠲免然良農輸率以時而稽故獲免者皆頑民
先生與之約前獲免者後必如期而足於是惠澤始
均司農建言天下輸役錢達戶四等而畿內獨止三
請及第四先生力陳不可諸邑賴以皆免水災民飢
先生請發粟貸之鄰邑亦請司農怒遣使閱實而鄰
邑令遽自陳穀且登無可貸使至謂先生曰盍亦自
陳先生請貸不已遂得穀六千石餓者以濟司農益

怒視貸籍而所貸不尋檄縣杖主吏先生言濟饑當以口而不當以戶之高下且今實為之非吏罪乃已內侍都知王中正行授保甲所至官吏多見慢辱諸邑供帳競務華潔以悅其意主吏以請先生曰吾邑貧安能效也邑且取於民法予禁令有故書張可用之先生在邑歲餘中正往來境上卒不入有犯竊盜者先生謂曰汝能改行吾導汝過盜叩首願自新後數月復穿窬捕吏及門盜告其妻曰吾與太丞約不復為盜今何面目見之遂自縊官制行改奉議郎朝廷遣官括牧地民田當沒者千頃往往持累世契券自明詔改稅作租許賣易如私田民乃服先生以為不

可括地官至謂先生曰民願服而君不許何也先生
曰民徒知今日不加賦而不知後日增租棄田則失
業死矣因為言使者當以仁厚為心不可使已以害
人官感動謝曰寧受責不可違公命遂去之他邑鄰
邑民犯盜繫縣獄而逸更赦猶以特旨罷先生邑事
邑人詣開封及司農馬留者以千數先生之去縣不
使人知老穉追及境上攀挽號哭不肯去以親老求
折資便養得監汝州酒稅今上嗣位覃恩改承議郎
呂為宗正寺丞未行以疾卒元豐八年六月十五日
也享年五十有四士大夫識與不識莫不傷吊以朝
廷失賢者為恨又珣太中大夫致仕時年八十母侯

氏壽安縣君妻彭氏仁和縣君皆先君以卒五子三
早卒曰端懿蔡州汝陽縣主簿曰端本舉進士四女
三夫一適假承務郎朱純之卜得卒之歲十月乙酉
葬于伊川之先塋先生於書無所不讀自浮屠老子
莊列莫不思索究極以知其義而卒宅於吾聖人之
道其持已清峻若不可及而與人甚恕而溫論治道
卓乎至於無能名而應世接物莫不曲盡其宜苟善
於君矣爵祿可捨也苟利於民矣法禁不避也自亢
豐以來論賢士大夫宜在天子左右者君必與焉先
生之罷扶溝貧無以家至潁昌而寓止焉大夫以清
德退居茅廬正叔樂道不仕先生與正叔朝夕就養

無違志閨門之內雍肅如禮家無僭石之儲而愉愉也予方守潁昌遂得從先生遊先生不以老耄棄我周旋啓告所以為益良多故於其亡也哭之加哀而銘不以辭銘曰

善乎孟軻之言義命也蓋不知義不足以立命不知命不足以存義先生居官不問內外大小率所言所事一出於正雖貴勢豪力不為少變嗚呼其處義命可謂兼之矣

廉按韓持國所撰墓誌收東萊文鑑中今盛傳于世近年休寧程學士編新安文獻志謂程氏家譜實載此篇又云秘閣亦有韓集謂朱子一時求之

未盡至於文鑑所載未嘗言之則學士亦有所遺
矣今以二本參校附錄于此然韓氏雖知尊信先
生而於先生之學術道德未必盡知也後之學者
先觀伊川李先生之行狀次及門人之所叙述而
後及於此誌可也

新增朱子語五條

堯不誅四凶伊尹五就桀孔子行乎季孫惟聖人有
此作用而明道或庶幾焉觀其所在為政而上下響
應論新法而荆公不怒同列異意者亦稱其賢與等
事類非常人所及

揚休山立玉色金聲九氣之會渾然天成瑞日祥雲

教人靜坐

和風甘雨龍德正中厥施斯普見明道畫像贊

明道教人靜坐蓋為是時諸人相從只在學中無甚外事故教之如此今若無事只得靜坐若特地將靜坐做一件工夫則是釋子坐禪矣但只著一敬字通貫動靜則於二者之間自無間斷處不須如此分別也見答張允德書

論靜敬

庸按靜坐之說明道嘗舉以告上蔡而伊川每見人靜坐亦歎其善學但伊川又謂才說靜便入於釋氏之說不用靜字只用敬字則已慮靜之為有偏矣惟明道他日復謂性靜者可以為學則夫朱子獨言明道教人靜坐者豈非靜在明道則屢言

之在伊川則雖言之而復不以為然乎要之明道
言靜即敬字之義伊川恐學者未悟故加別白焉
其後如龜山如豫章如延平一派皆於靜中觀喜
怒哀樂未發氣象而上蔡亦謂多著靜不妨此豈
非明道之教乎至和靖始終一箇敬字做去豈非
伊川之教乎

明道說話渾淪然高學者難省

見語錄下同

明道當初想明得然容易便無那查滓只一弄見流
溪當時又不似而今有許多言語出來不是他天資
高見得易如何便明得

伊洛淵源錄新增卷第三

嘉定八年賜諡
厚祐初封伊川
伯

伊洛淵源錄新增卷第四

伊川先生正公

癸酉生
追封隆國公

年譜

先生名頤字正叔明道先生之弟也明道生於明道元年壬申伊川生於明道二年癸酉幼有高識非禮不動見語錄年十四五與明道同受學於春陵周茂叔先生見哲宗徽宗實錄皇祐二年庚寅年十八上書闕下勸仁宗以王道為心生靈為念黜世俗之論期非常之功且乞召對面陳所學不報間遊大學時海陵胡翼之先生方主教導嘗以顏子子好何學論試諸生得先生所試大驚即延見處以學職見文集呂希哲原明與先生鄰齊

自以師禮事焉既而四方之士從遊者日益衆見呂氏
童蒙訓舉進士嘉祐四年_{乙亥}廷試報罷遂不復試大中公
屢當得任子思輒推與俗人見涪陵記善錄治平熙寧
間近臣屢薦自以為學不足不願仕也見文集又案呂
申公家傳云公判大學命衆博士即先生之居敦請為
大學正先生固辭公即命駕過之又雜記治平三年_{丙午}
月公知蔡州將行言曰伏見南省進士程頤年三十四
有特立之操出群之姿嘉祐四年_{乙亥}與殿試自後絕意
進取往來大學諸生願得以為師臣方領國子監親往
敦請卒不能屈臣嘗與之語洞明經術通古今治亂之
要實有經世濟物之才非同拘士曲儒徒有偏長使在

朝廷必為國器伏望特以不次旋用明道行狀云神宗
嘗使推擇人材先生所薦數十人以父表弟張載暨弟
頤為稱者元豐八年哲宗嗣位門下侍郎司馬公光尚
書左丞呂公著及西京留守韓公絳上其行義於朝
見哲宗徽宗實錄案溫公集與呂申公同薦劄子曰臣
等竊見河南處士程頤力學好古安貧守節言必忠信
動遵禮義年踰五十不求仕進真儒者之高蹈聖世之
逸民伏望特加召命擢以不次足以矜式士類裨益風
化又案胡文定公文集云是時諫官朱光庭又言頤道
德純備學問淵博材資勁正有中立不倚之風識慮明
徹至知幾其神之效言行相顧而無擇仁義在躬而不

矜若用斯人俾當勸講必能輔養聖德啓道天聰一正
君心為天下福又謂願究先王之蘊達當世之務乃天
民之先覺聖代之真儒俾之日侍經筵足以發揚聖訓
垂掌學校足以丕變斯文又論祖宗時起陳搏种放高
風素尚聞於天下揆願之賢搏放未必能過之願之道
則有搏放所不及知者觀其所學真得聖人之傳致思
力行非一月之積有經天緯地之才有制禮作樂之具
乞訪問其至言正論所以平治天下之道又謂願以言
乎道則貫徹三才而無一毫之為問以言乎德則并包
衆美而無一善之或遺以言乎學則博通古今而無一
物之不知以言乎才則開物成務而無一理之不總是

以聖人之道至此而傳况當天子進學之初若得真儒
得專經席豈不盛哉十一月丁巳授汝州團練推官西
京國子監教授見實錄先生再辭尋召赴闕元祐元年
三月至京師王巖叟奏乞伏見程頤學杜聖人之精微
行全君子之純精早與其兄顥俱以德名顯於時陛下
復起頤而用之頤起召以來待召闕下四方後人莫不
翹首鄉風以觀朝廷所以待之者如何處之者當否而
將議焉則陛下此舉繫天下之心臣願陛下加所以待
之之禮擇所以處之之方而使高賢得為陛下盡其用
則所得不獨頤一人而已四海潛光隱德之士皆將相
招而為朝廷出矣除宣德郎秘書省校書郎先生辭曰

祖宗時布衣校召自有故事今臣未得入見未敢祇命
王巖叟奏云臣伏聞聖恩特除程頤京官仍與校書郎
足以見陛下優禮高賢而使天下之人歸心於盛德也
然臣區區之誠尚有以為陛下言者願陛下下一召見之
試以一言問為國之要陛下至明遂可自觀其人臣以
頤抱道養德之日久而潛神積慮之功深靜而閱天下
之義理者多必有嘉言以新聖聽此臣所以區區而進
頤然非為頤也欲使陛下之義耳陛下下一見而後命之
以官則頤當之而無愧陛下與之而不悔授受之間兩
得之矣於是臣對太皇太后而喻將以為崇政殿說書
先生辭不獲始受西監之命且上奏論經筵三事其一

以上富於春秋輔養為急宜選賢德以備講官因使陪侍
宿直陳說道義所以涵養氣質薰陶德性其二請上左
右內侍宮人皆選老成厚重之人不使侈靡之物滲俗
之言接於耳目仍置經筵祇應內臣十人使伺上在宮
中動息以語講官其或小有違失得以隨事規諫其三
請令講官坐講以養人主尊儒重道之心寅畏祇懼之
德而曰若言可行敢不就職如不可用願聽其辭劉子
三道見文集又案劉忠肅公文集有章疏論先生辭卑
居尊未被命而先論事為非是蓋不知先生出處語默
之際其義固已精矣既而命下以通直郎充崇政殿說
書見寶錄先生再辭而後受命四月例以暑熱罷講先

生奏言輔導少主不宜疎畧如此乞令諍官以六參日上殿問起居因得從容納誨以輔上德見文集五月差同孫覺願臨及國子監長貳看詳國子監條制見實錄先生所定大槩以為學校禮義相先之地而月使之爭殊非教養之道請改試為課有所未至則學官召而教之更不考定高下制尊賢堂以延天下道德之士鐫解額以去利誘省繁文以專委任勵行檢以厚風教及置待賓吏師齋立觀光法如是者亦數十條見文集舊實錄云禮部尚書胡宗愈謂先帝聚士以學教人以經三舍科條固已精密宜一切仍舊因是深詆元生謂不宜使在朝廷六月上疏太皇太后言今日至大至急為宗

社生靈長久之計惟是輔養上德而輔養之道非徒涉
書史覽古今而已要使跬步不離正人乃可以涵養薰
陶成就聖德今間一日講解釋數行為益既少又自四
月罷講直至中秋不接儒臣殆非古人朝夕承弼之意
請俟初秋即令講官輪日入侍陳說義理仍選臣僚家
十一二歲子弟三人侍上習業且以邇英迫隘暑熱恐
於上體非宜而講日宰臣史官皆入使上不得舒卷悅
懌請自今一月再講於崇政殿然後宰臣史官入侍餘
日講於延和殿則後楹垂簾而太皇太后時一臨之不
惟省察主上進業其於后德未必無補且使講官欲有
所言易以上達所繫尤大又講讀官例兼他職請亦罷

之使得積誠意以感上心皆不報八月差僉判登聞鼓
院先生引前說且言入談道德出領訴訟非用人之體
拜辭不受見文集揚時日事道與祿仕不同常夷甫以
布衣入朝神宗欲優其祿令僉數局如鼓院茶院之類
夷甫一切受之及伊川先生為講官朝廷亦欲使僉它
職則固辭蓋前日所以不仕者為道也則今日之仕復
其官足以付道乃可受不然是苟祿也然後世道學不
明君子辭受取舍人鮮知之故常公之受人不以為非
而先生之辭人亦不以為是也二年又上疏論迥和講
讀垂簾事且乞時召講官至殿前問上進學次第又奏
邇英暑熱乞就崇政迥和殿或他寬涼處講讀給事中

顧臨以殿上講讀為不可有旨修展邇英閣先生復上
疏以為修展邇英則臣所請遂矣然祖宗以來並是殿
上坐講自仁宗始就邇英而講官立侍蓋從一時之便
耳非若臨之意也今臨之意不過以尊君為悅而不知
尊君之道若以其言為是則誤主上知見臣職當輔導
不得不辨先生在經筵每當進講必宿齋豫戒潛思存
誠冀以感動上意見文集而其為說常於文義之外反
復推明歸之人主一日當講顏子不改其樂章明人或
疑此章非有人君事也將何以為說及講既畢文義乃
復言曰陋巷之士仁義在躬忘其貧賤人主崇高奉養
備極苟不知學安能不為富貴所移且顏子王佐之才

也而簞食瓢飲李氏魯國之蠹也而富於周公魯君用
捨如此非後世之監乎聞者歎服見胡氏論語詳說而
哲宗亦常省肯之見文集不知者或謂其委曲已甚先
生曰不於此盡心竭力而於何所乎上或服藥即日就
醫官問起居見語錄然入侍之際容貌極莊時文潞公
以太師平章重事或待立終日不憊上雖喻以少休不
去也人或以問先生曰君之儼視潞公之恭孰為得失
先生曰潞公四朝大臣事幼主不得不恭吾以布衣職
輔導亦不敢不自重也見邵氏聞見錄嘗聞上在宮中
起行漱水必避螻蟻因請之曰有是乎上曰然誠恐傷
之爾先生曰願陛下推此心以及四海則天下幸甚見

語錄

一日講罷未退上忽起憑檻戲折柳枝先生進曰

方春發生不可折故摧折上不悅是為永卿所編劉諫

議語且云溫公國之亦不悅或云恐無此事

所講書有

容字中人以黃覆之曰上藩邸嫌名也先生講罷進言

曰人主之勢不患不尊患臣下尊之過甚而驕心生爾

此皆近習輩養成之不可以不戒請自今舊名嫌名皆

勿復避

見語錄

時神宗之喪未除而百官以冬至表賀

先生言節序變遷時思方切請改賀為慰及除喪有司

又將以開樂置宴先生又奏請罷宴曰除喪而用吉禮

則因事用樂可矣今特設宴是吉之也

見文集

嘗聞後苑

以金製水桶問之曰崇慶宮物也先生曰若上所御則

吾不敢不諫在職累月不言祿吏亦弗致既而諸公知之俾戶部特給焉又不為妻求邑封或問之先生曰某起於草萊三辭不獲而後受命今日乃為妻求封乎見語錄經筵承受張茂則嘗招諸講官啜茶觀畫先生曰吾平生不啜茶亦不識畫竟不往見龜山語錄或云恐

無此事

文潞公嘗與呂范諸公入侍經筵聞先生講說

近相與歎曰真侍講也一時人士歸其門者甚盛而先生亦以天下自任論議褒貶無所顧避由是同朝之士有以文章名世者疾之如讎與其黨類巧為謗詆見龜山語錄三公繫在錄已中公家傳及先生之子端中於撰集序又按蘇軾奏狀亦自云臣素疾程某之姦未嘗

假以辭色又按侍御史呂陶言明堂降赦臣僚稱賀訖而兩省官欲往奠司馬光是時程頤言曰子於是日哭則不歌豈可賀赦才了却往吊喪坐客有難之曰子於是日哭則不歌即不言歌則不哭今已賀赦了却往吊喪於禮無害蘇軾遂以鄙語戲程頤報皆大笑結惡之端盖有此始又語錄云國忌行香伊川令供素饌子瞻詰之曰正叔不好佛胡為食素先生曰禮居喪不飲酒不食肉忌日喪之餘也子瞻令具肉食曰為劉氏者左袒於是范淳夫輩食素秦黃輩食肉又鮮于裨傳信錄云舊例行香齋筵兩制以上及臺諫官破蔬饌然以鹿脯遂輪為食會皆用肉食矣尤祐初崇政殿說書程正

優說曰伊川自至寧三
代後一人而抑之三代後
更云三代也此所以天下自
任以爲憂歟云而伊川
上有疾瘠云云大臣之不
知備官之方以爲於飲
此之云云爲悅津上
者公以近思錄爲
至於人思折枝之謂制
金桶之謂上自人思下
至解體多側目如是
而伊川之於朝廷之上
即居人
富而已矣誠院事

叔以食肉爲非是議爲素食衆多不從一日門人范倅
夫當排食進具蔬饌內翰蘇子瞻因以鄙語戲正叔正
叔門人朱公執輩街之遂立敵矣是後蔬饌亦不行又
語錄云時呂申公爲相凡事有疑必質于伊川進退人
才二蘇疑伊川有力故捭訖之又曰朝廷欲以游酢爲
其官蘇右丞沮止毀及伊川宰相蘇子容曰公未可如
此頃觀過其門者無不肅也又按劉諫議盡言集亦有
異論劉非蘇黨蓋不相知耳一日赴講會上瘡疹不坐
已累日先生退詣宰臣問上不御殿知否曰不知先生
曰二聖臨朝上不御殿太皇不當獨坐且人主有疾而
大臣不知可乎翌日宰臣以先生言奏請問疾由是大

可辭也子曰魯大夫陳而
床也私與大臣言是矣
何及法後已也中布衣秋
凡其不能不自重者乃奇
独行已私不及家父以和
匡之上中呂馬法公於先生
非不知之熟云不一言於心
通之世以式或女作勝氏
見識之卑他而世於事
學之未及此化於事而待
而於中即安於蜀受之
不違心傳備取而先於
任道也一子在後世已
所云不復進矣於中師
少終曰吾國以礼云不復
又曰不以此禮儀為國如礼
以伊以或女大進手大矣
出文後跋莫不為後人
師法者不更商量而必

臣亦多不悅而諫議大夫孔文仲因奏先生任下險巧
素無鄉行經筵陳說僭橫忘分遍請貴臣歷造臺諫騰
口間亂以償息讎致市井目為玉鬼之魁請放還田里
以亦典刑八月差管勾西京國子監見舊實錄又文仲
傳載呂申公之言曰文仲為蘇軾所誘脅論事皆用軾
意又呂申公家傳亦載其與呂大防劉摯王存同駁文
仲所論朱光庭事語甚激切且云文仲本以仇直稱然
意不曉事為浮薄輩所使以害善良晚乃自知為小人
所始憤鬱嘔血而死案舊錄固多妄然此類不為無據
新錄皆刪之失其實矣又范大史家傳云元祐九年奏
曰臣伏見元祐之初陛下召程顥對便殿自布衣除崇

依物言妄言而約是方不
或於中中之虛妄席次
古个伊川以方以師道為主
自期待如孟子於家傳之
道後世以出此義

故殿說書天下之士皆謂得人實為希濶之義事而纔
及歲餘即以人言罷之顧之經術行誼天下共知司馬
光呂公著皆與顧相知二十餘年然後舉之此二人者
非為欺罔以誤聖聰也顧在經筵切於皇帝陛下進學
故其講說語常繁多草茅之人一旦入朝與人相接不
為關防未習朝廷事体而言者謂顧大佞大邪貪黷請
求奔走交結又謂顧欲以故舊傾大臣以意氣役臺諫
其言皆誣罔非實也蓋當時臺諫官王巖叟朱光庭賈
易皆素推伏願之經術故不知者指以為顧黨陛下慎
擇經筵之官如願之賢乃是以輔導聖學至如臣輩叨
補講職實非敢望願也臣久欲為願一言陳之累年猶

豫不果使願受誣罔之謗於公正之朝臣每思之不無愧也今臣已乞去職若復召願勸講必有輔聖明臣雖終老在外無所憾矣先生既就職再上奏乞歸田里曰臣本布衣因說書得朝官今以罪罷則所授官不當得三年又請留不報乃乞致仕至再又不報五年正月丁大中公憂去官七年服除直秘閣判西京國子監王公繫年錄云元祐七年三月四日延和奏事三省進呈程頤服除欲與館職判檢院簾中以共不靖令只與西監遂除直秘閣判西京國子監初願在經筵歸其門者甚盛而蘇軾在翰林亦多附之者遂有洛黨蜀黨之論二黨道不同互相非毀願竟為蜀黨所擠今又適軾弟

輒就政財進稟便去但恐不肯靖簾中入其說故願不
復得召先生一再辭極論儒者進退之道見文集而監察
御史董敦逸奏以為有怨望輕躁語五月改授管勾崇
福宮見舊錄未拜以疾尋醫元祐九年哲宗初親政申
秘閣西監之命先生一再辭不就見文集紹聖間以黨論
放歸田里四年十一月送涪州編管見實錄門人謝良
佐曰是行也良佐知之乃族子公孫與邢恕之為爾先
生曰族子至愚不足責故人情厚不敢疑孟子既知天
焉用尤哉氏見語錄元符二年正月易傳成而序之三
年正月徽宗即位移峽州四月以赦復宣德郎任便居
住制見曲阜集還洛記善錄云先生歸自涪州氣貌容

色髤髮皆勝平昔

十月復通直郎權判西京國子監先

生既受命即謁告欲遷延為學醫計既而供職明人尹

焯深疑之先生曰上初即位首被大恩不如是則何以

仰承德意然吾之不能仕益已決矣受一月之奉焉然

後惟吾所欲爾見文集語錄又劉忠肅公家私記云此

除乃李邦直范彝叟之意

建中靖國二年

五月進所復

官依舊致仕前此未嘗致仕而去依舊致仕疑西監供

職不文即嘗致仕也未詳

崇寧二年四月言者論其本

因姦黨論薦得官雖嘗明正罪罰而叙復過優已追所

復官又去叙復過優亦未詳

今復著書非毀朝政於是

有旨追毀出身以來文字其所著書令監司覺察語錄

云范致虛言程某以邪說鼓行惑亂衆聽而尹焞張繹為之羽翼事下河南府體究盡逐學徒復隸黨籍先生於是遷居龍門之南止四方學者曰尊所聞行所知可矣不必及吾門也見語錄五年復宣義即致仕見實錄時易傳成書已久學者莫得傳授或以為請先生曰自量精力未衰尚覬有少進耳其後寢疾始以授尹焞張繹尹焞曰先生踐履盡易其作傳只是因而寫成熟讀玩味即可見矣又云先生平生用意惟在易傳求先生之學者觀此足矣語錄之類出於學者所記所見有淺深故所記有工拙蓋未能無失也見語錄大觀二年九月庚午卒于家年七十有五見實錄於疾革門人進曰先

生平日所學正今月要用先生力疾微視曰道著用便
不是其人未出寢門而先生浚見語錄一作門人郭忠
孝尹子云非也忠孝有黨事起不與先生往來及卒亦
不致奠初明道先生嘗謂先生曰異日能使人尊嚴師
道者吾弟也若接引後學隨人林而成就之則予不得
讓焉見語錄侯仲良曰朱公接見明道于汝州踰月而
歸語人曰光遠在春風中坐了一月時宋太楊中立來
見伊川一日先生坐而瞑目二子立侍不敢去久之先
生乃顧曰三子猶在此乎日暮矣姑就舍二子者退則
門外雪深尺餘矣其巖礪如此晚年接學者乃更平易
蓋其學已到至處但於聖人氣象差以從容爾明道則

已從 審惜其早死不及用也使及用於元祐間則不至
有今日事矣先生既沒昔之門人高第多已先亡無有
能形容其德美者然先生嘗謂張繹曰我昔扶明道先
生之行我之道蓋與明道同異時欲知我者求之於此
文可也見集序尹焞曰先生之學本於至誠其見於言
動事為之間處中有常疏通簡易不為矯易不為狃介
寬猛合宜莊重有體或說句句以吊喪誦孝經以追薦
皆無此事衣雖紬素冠襟必整食雖簡儉蔬飯必潔大
中牟老左右致養無違以家事自侍悉力營辦細事必
親贍給內外親族八十餘口又曰先生於書無所不讀
於事無所不能謝良佐曰伊川才大以之處大事必不

動聲色增顧而集矣或曰人謂伊川守正則盡通變不足示之言者是何也謝子曰改右錢以鐵舊矣有議更以銅者已而會所鑄子不踰茲謂無利也遂止伊川聞之曰此乃國家之大利也利多費省私鑄者衆費多利少盜鑄者亡心民不敢盜鑄則權歸公上非國家之大計乎又有議增解鹽之直者伊川曰價平則鹽易洩人人得食無積而不售者歲入必倍矣增價則反是已而果然司馬公既相薦伊川而起之伊川曰將累人矣使韓富當國時吾猶可以有行也及溫公去熙寧復祖宗之舊伊川曰役法當討論未可輕改也公不然之既而數年紛紛不能定由是觀之亦可以見其梗槩矣

祭文

嗚呼利害生於身禮義振於心伊此心喪于利害而禮
義以為虛也故先生踽踽獨行斯世一作於世而衆乃
以為迂也惟尚德者以為卓絕之行而忠信者以為孚
也立義者以為不可犯而達權者以為不可拘也在吾
先生曾何有意心與道合一作道會泯然無際無欲可
以係羈乃自克者知其難也不立意以為言兮知言者
識其要也德輶如毛毛猶有倫無聲無臭夫何可親嗚
呼先生之道不可得而名也一作某等不得而名也伊
言者反以為病兮此心終不得而形也惟泰山一作
維以為高兮日月以為明也春風以為和兮嚴霜以為

清也在昔諸儒各行其志或得於數或觀于禮學者趣
之一作趨之世濟其義獨吾先生淡乎無味得味之真
死其乃已自某之見一作其某受教七年于茲含孕化
育以蕃以滋天地其容我為父母其生之君親其臨我
兮夫子其成之欲報之心何日忘之先生有言一本上
有昔字見于文字者有七分之一心繪于丹青者有七分
之儀七分之儀固不可益七分之一心猶或可推而今而
後將築室于伊雒之墳望先生之墓以畢吾此生也一
本無吾字嗚呼夫子沒而微言絕則固不可得而聞也
一本上有某等字然天不言而四時行地不言而百物
生惟與二三子一本無此五字有亦當字然心去智格

物去意期默契斯道在先生為未亡也嗚呼二三子之志一作某等之志不待物而後見先生之行不待誅而後徵然而山頽梁壞何以寄情淒風一奠敬祖于庭有年之恨併此以傾

尹子曰先生之葬洛人畏入黨無敢送者故祭文惟張繹范域孟厚及惇四人乙夜有素衣白馬至者視之邵溥也乃附名焉蓋溥亦有所畏而薄暮出城是以後又案語錄云先生以易傳授門人曰只說得七分學者更須自體究故祭文有七分之語云

奏狀節畧

胡安國

伏見元祐之初宰臣司馬光呂公著兼政當國急於得人首薦河南處士程頤乞加召命擢以不次遂起韋布超居講筵有司勸講不為辨辭解釋文義所以積其誠意感通聖心者固不可得而聞也及當官而行舉動必由乎禮奉身而去進退必合于義其修身行法規矩準繩獨出諸儒之表門人高第莫獲繼焉雖崇寧間曲加防禁學者向之私相傳習不可遏也其後頤之門人如楊時劉安節許敬衡馬伸吳給等稍稍進用於是士大夫爭相淬礪而其間志於利祿者託其說以自售學者莫能別其真偽而河洛之學幾絕矣壬子年臣嘗至行闕有仲并者言伊川之學近日盛行臣語之曰伊川之

學不絕如綫可謂孤立而以為盛行何也豈以其說蒲
門人人傳寫耳納口出而以為盛乎自是服儒冠者以
伊川門人妄自標榜無以屈服士人之心故衆論洶洶
深加詆訕夫有為伊洛之學者皆欲屏絕其徒而乃上
及於伊川臣竊以為過矣夫聖人之道所以垂訓萬世
無非中庸非有甚高難行之說此誠不可易之至論也
然中庸之義不明久矣自顧兄弟始發明之然後其義
可思而得不然則或謂高明所以處己中庸所以接物
本末上下析為二途而其義愈不明矣士大夫之學宜
以孔孟為師庶幾言行相稱可濟時用此亦不可易之
至論也然孔孟之道不傳久矣自顧兄弟始發明之而

後其道可學而至也不然則或以六經語孟之書資口
耳取世資而干利祿愈不得其門而入矣今欲使學者
蹈中庸師孔孟而禁使不得從願之學是入室而不由
戶也不亦誤乎夫願之文於易則因理以明象而知體
用之一源於春秋則見諸行事而知聖人之大用於諸
經語孟則發其微旨而知求仁之方入德之序然則狂
言怪語淫說鄙諭豈其文也哉願之行其行已接物則
忠誠動於州里其事親從兄則孝悌見于家庭其辭受
取舍非其道義則一介不以取與諸人雖錫之千鍾有
必不顧也其餘則亦與人同爾然則幅巾大袖高視闊
步豈其行也哉昔者伯夷擲下惠之賢微仲尼則西山

之餓夫東國之黜臣爾本朝自嘉祐以來西都有邵雍
程顥及弟頤關中有張載此四人者皆道學德行名於
當世會王安石當路重以蔡京得政曲加排抑故有西
山卓國之阮其道不行深可惜也今雍所著有皇極經
世書載有正蒙書頗有易春秋傳顥雖未及著述而門
弟子質疑請益答問之語存於世者甚多又有書疏銘
詩並行於世而傳者多失其真臣愚伏以陛下特降指
揮下禮官討論故事以此四人加之封號載在祀典以
見聖世雖當禁暴誅亂泰辭伐罪之時猶有崇儒重道
尊德樂義之意仍詔館閣裒集四人之遺書委官校正
取旨施行便於學者傳習羽翼六經以推尊仲尼孟子

之道使邪說者不得乘間而作而天下之道術必豈曰
小補之哉

遺事二十一條

先生母夫人有知人之
鑑二先生幼時勉之讀
公因云殘帖上曰我惜
勤讀云語又并云三
行前曰殿前及第程
廷壽明道次曰如士
後皆驗夫人已知之
於童稚中矣

陳長方見尹子於姑
蘇問中庸解子云
先生自以為不滿者
焚之

王霖公澤言明道伊川隨侍太中知濬州宿一僧寺明
道入門而右後者皆隨之伊川入門而左獨行至法堂
上相會伊川自謂此是顧不及與兄處蓋明道和易人
皆親近伊川嚴重人不親近也尹焞云亦嘗聞先生言
之見於陸記善錄

韓持國與二先生言韓之謫昌叔居致之預
使治一室至於修治完戶皆使親為之二先生至暇日
與持國同遊西軒命諸子侍行次有言貌不莊敬者伊

川回視厲聲叱之曰汝輩從長者行敢笑語如此韓氏
孝謹之風衰矣持國遂皆逐去之聞之持國之手宗質
彬叔云見都憲錄尹和靖語

伊川先生居經筵建言今之經筵實古保傅之任欲使
內臣十人供侍左右倘人君出一言舉一事食一果實
必使經筵知之有剪桐之戲則隨事箴規建養立之方
則應時諫正公曰主少非可為之時也伊川曰

可為也責不在人主而人臣當任之耳見庭聞彙錄

程子在講筵執政有欲用之為官者予聞之以書謝
曰公知射乎有人執弓於此發而多中人皆以為善射
矣一日使羿立于其旁道之以教率之法不從羿且怒

而去矣從之則戾其故習而失多中之巧故不若處羿
於無事之地則羿得盡其言而用捨羿不恤也願才非
羿也然聞羿之道矣慮其害公之多中也見讀書

文潞公尹洛先生時為判監一日府會先生往赴到客
次見樂人來呈樂語曲詞先生訝之問故對曰昨日得
太師釣奇明日請程侍講詞曲並要嚴謹依禮法故先
來呈富鄭公而溫公居鄉里尤所尊禮呂正獻公范
忠宣公過洛必先来見呂榮公兄弟與先生書必滌筆
硯正衣冠然後寫其為當時禮敬如此見濟陵託善錄
伊川與韓持國善約候韓年八十一往見之是歲元日
日子第賀正乃曰願今年有一債未還春中當曾往類

昌見韓持國乃往造焉久留頴昌韓早晚伴食體貌加
敬一日韓密謂其子彬叔曰先生遠來無以為意我有
黃金藥櫟一重三十兩似可為先生壽然未敢遽言之
我當以他事使汝侍食因從容道吾意彬叔侍食如所
戒試啓之先生曰頤與乃翁道義文故不遠而來奚以
此為詰朝遂歸持國謂其子曰我不敢言正為此耳再
三謝過而別

見祁寬錄尹和靖語

呂汲公以百緡遺子子辭之時子族兄子公孫在旁謂
子曰勿為已甚故受之子曰公之所以遺頤者以頤貧
也公位宰相能進天下之賢隨才而任之則天下受其
賜也何獨顧貧也天下貧者亦多矣公帛固多恐公不

能周也見遺書下同

殿帥苗履見先生於陵下時先生方辭西監之命履問曰朝廷處先生如何則可先生曰且如山陵事苟得專處雖永安尉可也

先生嘗說願於易傳今却已自成書但逐旋脩改期以七十其書可出韓退之稱聰明不及於前時道德日負於初心信然願於易傳後來所改無幾不知如何故且更期之以十年之功者如何春秋之書待劉絢文字到却用功亦不多也今人解詩全無意思此却待出些文字中庸書却已成今農夫祁寒暑雨染耕易耨播種五穀吾得而食之今百工技藝作為器用吾得而用之甲

胄之士被堅執銳以守土宇吾得而安之却如此閑過了日月即是天地間一蠹也功澤又不及民別事又做不得惟有補緝聖人遺書庶幾有補耳陳長方見尹子於姑蘇問中庸解尹子云先生自以為不滿意楚之矣問先生曾定六禮今已成未曰舊日作此已及十分後來被召入朝既在朝廷則當行之朝廷不當為私書既而遭憂又疾病數年今始無事更一二年可成也曰聞有五經解已成否曰惟易須親撰諸經則關中諸公分去以順說撰成之禮之名數陝西諸公刪定已送與呂與叔與叔今死矣不知其書安在也然所定只禮之名數若禮之文亦非親作不可也

先生被謫時李邦直尹洛令都監來見伊川才出見之
便請上轎先生欲略見叔母亦不許莫知朝命云何是
夜宿於都監驛明日差人箠押成行至龍門邦直遣人
贐金百星先生不受既歸門人問先生臨行時諸公贐
行皆受邦直亦是親戚何為不受先生曰與頤相知即
可受渠是時已與頤不相知豈可受耶見洛陵記善錄
伊川先生言昔貶涪州渡漢江中流船幾覆舟中人皆
號哭伊川獨正襟安坐如常已而及岸同舟有父老問
曰當船危時君獨無怖色何也伊川曰心存誠敬爾父
老曰心存誠敬固善然不若無心先生欲與之言父老
徑去不顧見邵氏聞見錄下同

與他个歧徑令他尋將去不錯了已是忒大懸若夫自得尤難其人謂之得者便是已有也見祁寬所記尹和靖語

胡文定公曰安國昔嘗見鄒志完論近世人物曰問程明道如何志完曰此人得志使萬物各得其所又問伊川如何曰却不得比明道又問何以不得比曰為有不通處又問侍郎先生言伊川不通處必有言行可証願聞之志完色動徐曰有一二事恐門人或失其旨後來在長沙再論河南二先生學術志完却曰伊川見處極高因問何以言之曰昔鮮于侁曾問顏子在陋巷不改其樂不知所樂者何事伊川却問曰尋嘗道顏子所樂

者何僦曰不過是說顏子所樂者道伊川曰若說有道
可樂便不是顏子以此知伊川見處極高又曰浩昔在
潁昌有趙均國者自洛中來浩問曾見先生有何語均
國曰先生語學者曰除却神祠廟宇人始知為善古人
觀象作服便是為善之具見胡文定公集

伊川常服黼袍高帽簪笄寸一本云帽補八寸簪半
寸四直

繫條曰此野人之服也深衣紳帶青緣篆文非禮勿視
非禮勿聽非禮勿言非禮勿動元外書

伊川常服衣皂或博褐紬襖其袖如常人所戴紗巾背
後望之如鍾形其製乃似今道士謂之仙桃巾者不知

今人謂之習伊川學者大袖方頂何謂見祁寬所錄尹和請語

新增朱子語十四條

朱子曰此道更前後聖
其後姑備自堯舜以
下若生孔子後人去
何交討分曉孔子後
若生孟子亦未曉後
如千載乃始得二程
故以此理秦漢以下
直是說夢

明道德性寬大規模
序闊伊川言實剛方
文理密察其道往同
而造德各異故明道
言為條例司官不以
為說而伊川所作行
狀乃不載其事明道

規圓矩方繩直準平允矣君子展也大成布帛之文
菽粟之味知德者希孰識其實見伊川畫像贊
明道之言發明極致通透洒落善開教人伊川之言
即事明理質慤精潔尤耐咀嚼明道之言一見便好
久看愈好所以賢愚皆獲其益伊川之言不見未好
久看方好故非久於玩索者不能識其味明道渾然
天成不犯人力伊川功夫造極可奪天巧見答張敬夫書

猶謂青苗可且放過而

伊川乃於西監一狀較計

如此可謂不同矣但明

道所處乃大矣以上事各

者未至而軒訟之思失

所守伊川所處甚高然

實中人可以致及者各

當以此為法則庶乎其

寡過矣

張栻曰二先生所以教

者不越於居敬窮理二

事蓋居敬有力則其

窮者全精窮理浸以則

其所居益有地二者實

互相成也

朱子曰伊川晚年文字如

易傳感水滄住

又曰易傳義理精字如

足無一毫欠闕只字本

義不相合易本是卜

明道德性寬大規模廣闊伊川氣質剛方文理密察
見答劉子澄書

明道伊川論性疎密固不同然其氣象亦各有極至
處明道直是渾然天成伊川直是精細平實正似文
王治岐周公制禮之不同又似馬援論漢二祖也見
答孫季和書

二先生拈出敬之一字真聖學之綱領存養之要法
見答何叔京書

動靜始終不越敬之一字而已近方見得伊洛拈出
此字真是聖學真的要妙工夫學者只於此處實用
力則不患不至聖賢之域矣見答董叔重書

程之玄程先生只說得

一理

伊川詩解少雅以後甚
好又云先生詩傳取義
太多詩人平易處不如

此
跋遺玄後曰讀是玄者
誠能主敬以立其本而
理以進其知使本立而
知益明知精而本益
固則日用之間且特有
以得乎先生之心矣

明道語宏大伊川語親切見語錄下同

明道曾著釋老書伊川則莊列亦不曾著

問明道可比顏子伊川可比孟子曰明道可比顏子

孟子才高恐伊川未到孟子處然伊川收束檢制處

孟子却不能到

全之想像大程夫子者當識其明快中和處想像小

程夫子者當識其少年之嚴毅晚年又濟以寬平處

伊川好學論十八時作明道十四五便學聖人二十

及第出去做官一向長進定性書是二十二三時作

是時遊山許多詩甚好

二程資稟高潔淨不大段用工夫

二程教學者所以只說一箇敬字正是欲無智愚賢不肖皆得力耳又曰此一服藥人人皆可服服之便有效只是自不肯服耳

程先生所以有功於後學者最是敬之一字有力人之心性敬則常存不敬則不存

周先生只說一者無欲也然這話頭高尋常人如何便得無欲故伊川只說箇敬字教人只就敬上推去庶幾執提得定有箇下手處

唐按提撥敬字以教人乃明道伊川指示學者路徑處朱子既曰二先生拈出敬之一字復曰二程教學者只說一箇敬字而此乃曰唐溪說無欲伊

伊洛源錄
川說敬字而獨遺明道何歟蓋涵養須用敬入道
莫如敬皆自伊川發之考之遺書諸凡言敬明道
什一伊川什九故朱子此段以言敬歸之伊川也
然二先生之道雖不言敬不害其為同而況於亦
言之乎

明潛州布衣陳真良家始微賤父打銀攻業於人其人密訪公年上決其父曰以
業而家造賊之所不遂功氏父余之見其由者向氏曰日餘油二壺蓋曰此是腐
壽之文也油之書余同備有孝弟孝大悅曰日又至而備弟子入則去則去蓋其入
請其師曰今日以備似後於外也其父曰今日之言乃有子弟也今日孔子之
言師也公曰自是而自是矣其父曰師法古人師法古人曰日餘油二壺蓋曰此是腐
漢復曰其以文由代其父打銀之業而日壽子專一於孝弟其父曰其父曰一
日仍其由師授之金年今大進卒成其父今理冬冬臣解其自授而依厥事作
之壽而而并之正其也

明書

